

江辰六文集

貴陽

江闔辰六氏著

兄

江源逢其氏

弟

江澄梁雪氏

江湘文江氏同校

卷十二目次

詩

五言排律二十一首

七言排律八首

小言排律八首

五言排律二十一首

卷

卷十二目次

五言排律二十一首

卷

卷

卷

五言排律

五言排律

次韻送荔裳先生

岱宗儲問氣蓬水誕名賢國識對鄴舊鄉傳牟子邊

辛公先輩在趙相後昆徧盡戟中朝盛朱輪奕世專

伯兮龍輔壁仲也豫章梗作賦推神女摘毫擅謫仙

鹿腸頻自注蟹眼為賓煎笛譜懸牙軸細書壓繡鞵

苦吟多月下逸興託花前冲遠追山簡淹通迴茂先

早承宣室召未穩霸陵眠雕鶚初軒翼驂騑遂着鞭

望郎尋樹棘畫省報調絃獨立分鷄雀非群辨鳳鸞

五言排律

五言排律

湖外集

臣心猶耿耿王道正平平
杼柚寬閭巷蚕桑樂井田
三時披雨露四海獻穰門
杜金錢倖箱從紙帽穿
度支宜乃爾銓敘豈徒然
計吏循周制程材盡漢肝
清通居以慎嚴正信何堅
硃硯曾無棄璠璣所獨憐
謝莊詩接武裴楷頌齊肩
帝眷頒金鏡公餘泛玉船
錦茵游洛日綵仗入秦年
治并乖崖著名借虞詡傳
攀轅圍紫水載石渡華川
塞草嘶征馬邊愁泣杜鵑
經營勞撫字調劑破拘牽
凭眺傷肥子登臨感仲宣
盧龍標姓氏碣石勒詩篇
長嘯橫烏角尋幽煮蕨拳

載將關外月移鎮越中天
鼓枻姚江曲探書宛委巔
玉芝供採擷竹箭引班聯
招客分鱸膾拈題授刻箋
絲桐安石癖翰墨沃州禪
竹馬紛溪影薰醞夾道烟
六橋楊可繫三竺杜堪牽
江上青山路湖邊淥水蓮
雙幢迎小笠曲蓋擁輕篋
秦望談風雅臯亭挹秀娟
虛懷同讓水夙好在廉泉
全活仁中術寬平法外權
須畱治獄譜垂作洗冤編
貝錦隨遭忌青蠅頗費詮
爲酬三逕願暫遂五湖緣
結覽擔茶竈行吟曳杖錢
偶從茗水泊時自武林旋
清望非虛矣風流竊慕焉

顧厨歸藻鑿稽呂競相延賦倩縹囊貯詞裁錦字填
白蘋浮彩鷁碧浪落飛鳶上若傾千斛中厨餞百籩
君姑停短櫂吾尙寄修椽聽雨離憂切挑燈酒力綿
願言人似玉愁見月如弦悵結真難寫相思未易捐
岐途違杖履別夢繞旌旃良會當非偶星文映紫躔
重晤呂錫馨使君四十韻

吳越

在士東南孰最優異才鍾地運碩德輔皇猷

缺甕翔黃雀金沙躍紫驪河東元世胄平固舊通侯
詰紹思中散從譙識太丘廉平風百職嚴正凜千秋

共道追毛玠無煩說鄧攸傳家雛盡鳳華國子如彪
儁爽應難得弘通况寡儔詩書爲布帛義讓廣箕裘
雁塔酌鵬息鸞坡賦鹿由校書綸閣靜草詔禁垣幽
賈至探三昧王凝第一流承恩移粉署受命拜珠旒
典樂諧音節司賓協競綵帝心思雋又使節歷荒陬
嶺表瞻宗匠天南入冶歐浦珠誰復隱荆璞已無留
名句傳都荔新詩愛擘榴單車回帝里馳傳又邗州
估客能無急瘡痍罔不瘳陽侯雖泛溢司權善持籌
洵是符輿論行將報殿郵君兮真執友予也浪從遊

賜食慙張禹傳經賴薛收兩峯蕭寺外雙塔段橋頭
竟夜揮清塵中流放小舟花前登石甌月下問金牛
好客同羅鄴閒僧得貫休無何縈別恨亦復重離憂
雲樹空綿邈魚鴻遂阻修自猶憐戴笠却亦羨鳴騶
話舊平津閣重逢庾亮樓弟兄誇杞梓賓從總羊求
張敏宜無夢商瞿勿更愁秋濤方浩浩江月正悠悠
共執鶯花柄同維風雅軸人爭榮御李吾敢謂依劉
龜勉勦雙闕恩波暨十洲相期須丙魏莫漫遜伊周
奉送曹秋岳侍郎歸嘉禾次孫阿漚原韻

鴛湖一水碧構李五雲鮮靈異鍾名世貞元應大賢
祗今推管葛自昔羨譚遷雅度涵千頃雄文障百川
允宜題雁捷應許射雕便眷顧存飛白言詮擬太玄
談經宣室內視草未央前清切陳三事憂勤戒十愆
曾聞旌折檻豈自銜如椽副相風規遠中丞德澤綿
昌言繩曲木篤好在廉泉咸頌搖山嶽還凭靖塞烟
軍儲方亟日邦計正繁年簡當棘籬外高閒氍毹邊
無煩營改轍已是報調絃區畫誠難喻章程實可沿
績從天府茂名與太倉懸纔聽鷄人唱何將蛋戶編

藏蛇流毒螫威鳳失班聯嶺外瞻行省雲中愜夙緣
牙幢分保障玉節領旬宣私幸披雲早因沾化雨全
京門遲小庾憲府遇庭堅遊子隨南返先生亦北還
龍門容過訊屏塵許爭先東閣開三逕西園別一天
文章稱快草書盡悵離船葛嶺重投轄吳山更執鞭
聯吟誇水部高調擅屯田直辟千人敵洵教七札穿
敢期移短襪况肯顧荒厓蓮漏堪同聽葭墻藉此傳
瓊花生太息錦樹足無眠登眺偕狂客詠談盡散仙
奈何王令曲惱亂薛家箋信宿將歸矣遲回倍惘然

會當來簡命須速整萃駢北歲思豐稔端收燮理權

蕪城覽古

寒江殘照合平野暮烟昏却悼文樓廢空傳武庫存
堤斜眎苑囿軸轉失崑崙寶劍埋荒隴閒花瑣墓門
雷塘餘翠藹月觀走鷄豚欲訪名臣宅難招帝子魂
賦成慙鮑照登眺莫深論

次吳耕方左遷國子丞四十韻

橋門經史地壁水帝王師自許宮墻峻誰堪器量卑
洪鐘鳴有力清鏡照無遺籌國培植幹匡時獻羽儀

斯人難寄託伊昔重相推
夙慧誇吳俶雄才過趙咨
青緇傳閎閎赤幟擅壇壝
五世弓裘遠三吳翰墨垂
髫年名菀苑淵識動台司
倚馬疑成竹屠龍自中規
典章歸藻鑑胸次徹藩籬
雕鶚摩空日鯢鵬破浪期
却驚頭角异更羨羽毛奇
言別春申澗來遊太液池
人方遲雁塔君輒冠龍墀
幾度交鋒鏘曾何缺斧鑄
雅宜香案吏不媿棟梁資
入直花磚靜朝回寶炬詒
九天和露夜五色剪雲時
視草趨宮掖談經下殿帷
大蓬探秘與上苑頌駟驪
槐省應非偶瀛洲信在茲

三花真獨步六絕復何疑
覆錦邀殊眷宣麻受特知
無端蒙貝錦遂使憶尊絲
素守元無過嘉名固不隳
幾年開畫舫鎮日對青藜
寄興蘭陵酒銷菟梅里詩
重來宣室夢忽動賈生思
多士猶囂就如公亦允宜
干將須大冶珪璧仗分劑
洙泗非綿邈關閩屬任仔
春風應普被化雨貴無私
好與旂常著寧將祿位尸
舊恩思御鱸退食斷園葵
戮力勩文治殫心佐緝熙
士風還樸茂經術戒陵遲
矩矱高曾在輿圖禮讓維
願敦臣子職寵異慎虛糜

應慈金郡伯復建平山堂讌飲賦詩限五十韻

風流增地勝巖壑待人傳
莫漫嗟興廢何容讓後先
猶存叅政蹟却愛使君賢
吟埒青徐外星分牛女邊
東都天市接西寺鳥衡聯
近海多鹹土濱江得好泉
低徊勞此日締構憶當年
碧瓦停雲濕朱闌映日鮮
層城廻牖下遠岫插堦前
窈窕菰蘆岸扶疎竹樹天
折荷花擁坐載妓月當筵
佳客推劉敞豪吟類謫仙
懷人誰復爾覽古益悠然
漢殿榱甍薨峻隋堤景物妍
宮中歸雁落臺上鬪雞旋
却月憑游泳凝暉足賞延

靚妝常日喜妙舞不成

紅裙圍蹴鞠錦索試鞦韆
吹笛來織麗搗箏亦秀娟

珍禽空苑圃異味賤金錢
鮫鮓充庖出麟毫夾道懸

西山饒冶所東望盡鹽田
葦殖誇原隰繁華極市廛

都亭愁挂鞢城闕苦摩肩
櫛比千江耀鱗差萬竈烟

俗方崇藻麗時不患顛連
治化由來善桑麻此地偏

人文全盛矣風土曷加焉
長慨星霜易還驚陵谷遷

故宮春寂寂周道草芊芊
歷亂嘶征馬蒼涼動晚蟬

飛塵音絕杳流雪影都捐
惜賞隨螢火歡娛散柳綿

池亭餘斷碣丘隴剩新阡作賦悲明遠登樓笑仲宣
盛衰關物理灰劫及山巔瓦礫荒遺址烟嵐失畫椽
只須回彩鷁何處卸花鞦青陸偏增感岡巒故受憐
琴尊公有癖山水夙爲緣善政唐貞穆高文漢廣川
救時銷羽檄憂國急樓船撥志仍提槩招賢屢割甌
探奇情壘壘懷古意拳拳勝概還林谷殊觀表岱淵
名賢爭後勁天牧表中權宴息頻投轄登臨願執鞭
邗江私雨露建業望旌旃遺愛山俱永廬陵未許專
凡詩文華則易泛樸則易枯長卽易弱易亂排律

三爲甚辰六高華沉着獨有兼才至其錘鍊精嚴更
美能以自然出之是日名作雖多恐難與爭雄長也
王有識者不當草草讀過 吳門許竹隱評

人交冬日用昌黎上李相公十六韻簡嚴少司農

天目仙靈窟由拳夫子家東南推季雅奧博奪張華
拜策手規遠扶輪道力賒文雄窺虎豹氣正蟄龍蛇
妙譽還誰並芳型不我遐舉琴曾幾碎工瑟合無差
罷識王曇首人倫鮑叔牙校書遲禁漏視草豔春葩
論駁神偏王披陳殿不譁洪鐘元自振布鼓莫輕槌

霖雨應難狀雷霆亦復嘉紀綱尊表率膏澤徧津涯
國用方樽節官常絕類瑕冰壺堪獨徹氈席豈求加
矧此庭階樹都如天半霞漫歌飛雀曲一度一稱嗟
共策贈陳掌院一百韻

天池丹水外王屋白雲巔虞夏遺風厚觜參著象妍
人文雄上黨靈異甲三川共謂名儒重長疑造物偏
玉華兼夙慧金粟溯當年籙翰真無敵弓裘况可傳
笑談戡禍亂鄉縣賴安全堂構逢荀淑金昆比惠連
三君誰卓絕七子總翩翹意氣元龍最文章伯玉專

雕龍應獨步詠鳳罕齊肩倘鑿匡衡壁曾分謝朓氈
負姿元穎異古嗜更纏緜不厭帚編絕還聞木榻穿
管城羞乞巧文陣足摧堅字欲爭霞蔚辭堪倩露漣
瓊林花信早葦榜墨痕鮮業自南宮始名從北斗懸
纔封金貼子遂作玉堂僊蓬閣心應醉崑庭露自研
紫薇連瑣闥紅藥影花磚屢賜長春宴時然太乙烟
入朝推玉尺歸院擁金蓮珥筆瀛洲路陳書帝座
邊納言崇講帷輔德責經筵名世非虛矣師臣
豈偶然東宮隆主鬯北鎮薦柔牲千里明禋祀兼

江成之詩集 卷三 九
程戒吉蠲仙巖含鬢鬣聖水鬱葱芊靖館神昭應真
庭表告虔軒車廻鐵嶺珠玉遍冰天使節衝霜雪歸
裝富簡篇宛如排峭嶠何異聽潺湲宮裏傳三步屏
間載十聯六經勞鼓吹五庫屏蹄筌律已雅持正逢
時獨惡圓心差同止水操復顛廉泉氣度追黃憲淹
通繼馬遷 儲闡須啓迪藝圃賴昭宣引喻搜春誦
雍容理夏絃開陳嚴監戒調護畧言詮德傳丰規遠
儒宗禮樂先寶謨虛几席多士待陶甄化日朝群玉
春風動八埏 聖言勞纂註 國史費摩編校勘常

虛已裁成更讓賢因人羞襲美得當卽相沿重觀
新恩渥寧爲習見牽監綜操具眼採掇動垂涎洵可
供浮白奚煩擬太玄鉛黃無闕失甲乙絕拘攣鑑古
千秋錄 皇輿萬選錢真堪虹化玉豈僅筆如椽藻
采頌天上瓊筵撤 御前更憑修月手幾賦衍波箋
允荷 皇王眷都將俗理捐世方崇俎豆時復弄戈
鋌已見烽全息夫何惡不悛萑苻徒疥癬荆棘亦糾
纏 睿慮含深遠嘉謨幹化權凌雲看玉樹裊露識
芝田連璧輝崑阜雙珠產泗濱烏衣誇濟美白鷓復

高舉人羨芝蘭室家疑書畫船楫模推第一經術授
三千當代宗人鏡名流奉法舩誰堪探秘笈每獨擷
芳荃咸服公如此能無各勉旃豎儒僥蹈躓私願附
騰騫不信頻遭棄何曾解乞憐敢云施未技無地託
微涓計已成淹泊心惟愛靜便幾番投北闕辛歲走
東阡匏繫無餘粒萍飄藉破鞵將無輪鍛鍊故爾備
迤邐入市慚非駿登臺幸在燕無端仍挾策却悔悞
懷鉛旅食忘裘葛脂車累翠鈿襟期空磊落羽翮頗
聯翩未免荒三徑虛教寄一塵鯤鵬隨斥鷃螻蟻制

鯨鱣豈竟工無益偏惟嬾欲眠塵埃終袞袞月色自
娟娟拙已同方軌機猶或應茲窮途需剪拂志士抱
憂煎安可邀傾倒毋爲厯賞延干旃何子子束帛匪
淺淺濫與榮何極欣逢喜欲顛縱非千里驥猶遇九
方歎夙昔聞投轄今茲得執鞭比隣翻扞格膈合屬
奇緣棲鵲嗟無計猶龍仗往還那須披雨澤直恐應
星躔倒屣曾無已持衡有待焉動勦資律度獻替謝
風愆天札應俱息瘡痍罔不痊民風還噩噩王道奏
平平好向丹青列還從竹帛鐫嘉名傳浴日偉烈頌

江居六集 卷三 正言排律
旋乾一代標鐘虞千秋並岱淵
呈總憲魏公十八韻
翠微綿北岳紫塞接西陲名世推三傑傳家有十思
雲霄膺寵渥渙汗際昌期分草年方富宣麻出每遲
鸞坡翻脉望虎觀擁臬比獻納憑司諫封還賴拾遺
升平鳥集日長樂鳳鳴時鍊柱尊彤陛冰心徹玉墀
紀綱凡再整風采總無私威望存清白憂勞盡度支
公忠千古業正直九重知碩德元非偶高名安可
辭關閩繩往哲洙泗振今茲副相真無媿中丞洵最

宜澄清勞贊翊民物係安危駿略資尊俎鴻勳勒鼎
彝鹽梅知早卜霖雨奏咸熙六合噓吹徧春風及項
斯

秋日呈閣學項公十二韻

西浙推名彥中原識大賢文章標桀蕩丰度領班聯
視草甄皆繡宣麻炬盡蓮黃盤雕錦豔青鏤綵毫鮮
北闕恩方渥東宮輔最先兩朝專史館三事贊經
筵鳳藻天顏喜龍光物望全鹽梅丹陛日霖雨黑
頭年灑氣金臺迥清暉玉宇妍杯傾柔落酒人集幔

亭仙雀錄助猷遠磨圖姓字傳頌愚何厚幸終始荷

陶甄

天啟嘉祥炎時聖全覽前八朝日霖雨黑

送許力臣歸里十二韻

當代知名士騷壇久屬公洪鐘鳴雒下美箭擅江東

鵬翮由來勁驂駟頓為空衣分宮柳淥筵撤御蓮紅

秘監群賢上仙班更帝簡中佩魚雕錦麗繡虎彩毫

工藻吐楊雲草詞披宋玉風皇輿投 睿賞鑑古布

純忠清省才無敵金臺格自雄談經惟孔霸補闕借

姚崇紫瑣期丰采蒼生望事功竹西應莫戀努力答

重瞳

素對擬 各對二十韻

帝業崇經術虛衷尚簡篇同文昭奕世雅化麗中天

青瑣隘三接丹書下八埏弓旌莘野外羔幣傳巖邊

黃綺鬚眉古機雲藻采妍笙鏞仙仗近劍佩御街聯

雉扇迴丹陛龍墀鎖紫煙承恩趨太乙應召引中涓

宣室遭逢盛鑾坡禮數全球琅羅萬國鐘鼎享群賢

既授天倉粟還頒太府錢堯厨飛湛露禹膳列甘泉

賜食榮張說通經有服虔祗今才濟濟誰更腹便便

錦字相如賦金花太白箋
楸楠真蒼蔚麟鳳競翩跹
六合傳朝典千秋煥史編
絲綸仍繾綣寵異復纏綿
人既多枚叔臣殊媿茂先
昌期欣載筆奎壁燦星躔

擬 賜宴十八韻

恩波真浩蕩文治益昭宣
閭闔勤宣政巖廊愛集賢
羣英何奕奕束帛匪粲粲
玉佩鳴天闕蒲輪到日邊
不教徐穉後夏名賈生前
慷慨陳圖籍淋漓寓化權
素懷抒綺繡靈腕走雲烟
睿賞欣難已宸襟倍灑然
清音傳鳳管晝漏雜鴟絃
象勺和瑤俎晶盤燦画筵

金壺香膾滯錦帶御羹鮮
九醞分高宴千珍映細旃
巖栖應輩出穴處漫高眠
鸞鵠元依洛驂驪盡入燕
勳名誰燕領奏對有鳶肩
鎬飲誇今日汾歌頌萬年
願言調玉燭敢望撤金蓮
颺拜賡天保堪將竹素傳

擬 聖翰頒賜三十韻

萬象開長樂千官拜未央
宸恩何浩蕩聖翰自輝煌
愛作民安字閒書天保章
規模元厚重風度更矜莊
鏡畫傳三昧銀鈎燦七襄
天門龍蜿蜒仙闕鳳翱翔
雲氣應繚繞晴霞共頡頏
羣鴻忽飄舉獨雀乍飛揚

碧樹枝柯貴金綃錦繡張英竒參造物娟絮並秋陽
電掣爭鷹鵠風馳駕驪驪懸藤能委折垂露復輕颺
結勢工逾老迴波斂益彰六文殊奕奕八體總蒼蒼
拂素偏多態臨池爛有光乾坤同駿隸河岳孕鋒鏗
博奧追秦漢安舒邁晉唐淋漓鍾太傅瀟灑蔡中郎
骨秀真無敵神全未易量工妍第一手精妙十三行
靜對忘移漏澄思類望洋森嚴繩格律端勁壯巖廓
給絹嗤行儉凌雲笑仲將揮毫成琬琰點墨盡琳瑯
古鼎摹前代華賤出尙方痕餘金掌露瀦帶玉璫

筆是珊瑚架函須玳瑁裝鑒觀懷逸少賚予及賓王
飛白含恩淫紆青被澤長不勞資筆諫率土戴垂裳

擬恭讀

聖製三十韻

聖學唯天縱絳雲遶未央玉虬瞻鳳藻銀漢燦龍章
顥氣還姚姒清音邁晉唐疑暉連太乙景運應文昌
鎔鑄歸冲澹甄陶接混茫和平參雅頌蘊藉協宮商
拱璧隨靈腕連珠出繡腸八風調物候五彩絢軒裳
排鼻凌韓愈高華軼竇常波瀾殊灑灑格律復洋洋
玉海涵諸勝錦江滙衆長衙官驅度鮑奴隸視王楊

鏤管珊瑚架瑤函翡翠裝吟鞭神整暇擊鉢韻飛揚
應笑題鸚鵡差同詠鳳凰霞城矜續彩月脅挾琳琅
渾靈兼羣乘精醇富五倉歌行元栢殿樂府亦芝房
屈宋靡堅壘曹劉漫擅塲何緣披蒞芷不啻聽笙簧
鈞籟無凡嚮琪花發異香春泉能灑灑秋日自蒼蒼
河岳尊天闕星辰炳上方化機羅萬有妙理貫三光
力厚堪無外思深詎可量六朝安髣髴八代振賡颺
已入生知室真登大雅堂臣才輸鄴下寵渥過襄陽
虎拜千官喜鴻裁什襲藏寶輝騰宇內奕世奉珪璋

擬楚捷二十韻

聖德炎三正皇威振九天瑤階綬海岳玉弩應星躔
禮樂黃虞備師貞衛霍賢秉旄常戴月建節早消烟
大樹先聲壯長城妙略宣星羅江漢上雲布洞庭邊
赤羽腰間束黃金肘後懸霜風鳴鼓角曉日麗旌旃
飲馬流堪斷彎弧石易穿舳艫森壁壘甲仗蔽山川
虎帳無遺策龍韜有化權武侯成犄角趙尉失連拳
封豕知難遁長鯨坐可搦五溪歸恐後六詔欵爭先
馳檄平羣醜揚麾出萬全從容閒鐵騎次第罷樓船

竹帛垂丕績笙鏞奏凱旋
柱標槃瓠外方挂碧雞巔
廟算真何遠臣功盍敢專
人安耕鑿樂九有祝堯年

擬經筵十二韻

乾坤歸有道神聖自生知
禮數尊經幄文思振講帷
萬幾饒暇豫六籍廣師資
帝範崇無逸皇衷尙緝熙
西山瞻穆穆甲帳念孜孜
寒暑曾何輟圖書洵罔遺
惜陰同大禹忘食準宣尼
侍從金魚貴雲霄玉漏遲
巍冠前說易正笏更陳詩
北極文星爛中天化雨滋
深宮翻脉望便殿賜臯比
朝宁敦經術昌期慶在茲

擬大獵二十韻

輦轂兵戎整皇王赫濯宣鑿輿
和日麗綵仗與雲連
帳殿晴暉迴旌門曙色妍
觀軍尊駐蹕講武重蒐畋
禹甸三光注堯封萬象懸
通侯多衛霍禁旅冠幽燕
濟濟葱珩盛煌煌赤芾鮮
珠旂摩鸞雀羽騎蔽山川
翠障圍萃燾黃金簇錦鞞
雕翎何灼灼鼙鼓更淵淵
令飭長楊肅師嚴細柳偏
楚猿愁曉角宋鵲掠秋烟
鷹迅驚飛電馳鳴識暗泉
鋒車齊擊轂石磬盡離弦
亦旣開三面無妨逐兩肩
大庖糜虎豹上苑獻豨豮

技勇皆精銳
韜鈴運幹旋
先聲堪馭遠
壯氣足摧堅
侍酌千官酒
均頒九府錢
相如應奏賦
英略競流傳
命擬駕幸溫泉
十二韻

帝封通黍谷
禹甸近丹臺
泉亘千秋湧
春先十月來
烟宮融沆瀣
水殿煖條枚
地愛噴雲媚
池憑浴日開
授衣驚物候
挾纊徧蒿萊
漸被連三輔
沾濡潤八垓
氤氲蘓疾苦
盪漾靖氛埃
駐蹕薰風動
停鑿淑氣回
絮差同浣露
温豈藉吹灰
玉迸花爲屑
珠霏火作胎
試將調鼎鼎
倘可佐鹽梅
好獻甘泉賦
慚非楊子才

省耕二十韻應制

皇王先稼穡
風日愛春妍
却已隆祈穀
非徒事藉田
堯封遲步輦
禹甸煥行旃
鳳吹黃雲護
龍駝紫氣纏
褰旒問童叟
賜帛恤顛連
羸犇驚春蚤
倉庾得候偏
荷鋤碧欄外
薤草白雲邊
歲厯豚蹄祝
寒疑襖襖穿
石菑良不易
木耨孰爲憐
八口無遺力
三時詎息肩
胥徒還復擾
縣帖更相牽
舊穀知餅罄
晨炊慮釜懸
但判梁漢米
何惜水衡錢
穎粟通侯甸
京坻卜有年
陽和蘓里巷
喜氣溢山川
萬井耕夫慶
千秋太史傳

好憑釐爾句垂作勸農篇
襁負同村社薰鑪夾道烟
停鑾深雨露扈蹕動星躔
游豫元非偶恩膏沛九天
壽徐母太夫人三十韻

玉峰原自秀婁水亦何清
壽母生南郡名門出顧榮
拾遺聲蕙直司馬氣從橫
世與金華選家聞玉映名
鞏絲從傳母几硯共諸兄
絕調宗無奕先幾類憲英
漢書成最蚤唐韻寫來精
作婦勞筐績如賓佐筆耕
方當操井日未暇望慈紈
縱使門非蓆將無釵是荆
中顏甘淡泊外侮費經營
虎尾嗟曾履龍鱗脫累嬰

誼無慚子婦孝足感神明
克謹師莊淑貽謀發義成
瘞錢深砥礪輟膳促蜚鳴
祇許書連屋無庸金蒲籬
袁羊羞比擬房杜識公卿
母教由來善君恩洵匪輕
龍駒聯入洛驥子盡登瀛
甲第誇三李功名動八紘
郊祁輪寵異何僅失崢嶸
快壻仍標幟文孫復抗衡
還朝留定省歸院祝升平
手詔將存問軒車欲遣迎
掖庭傳學士妃嬪謁先生
甘旨嘗官俸盤飧賜御羹
絲綸驚里巷侍從舞簷楹
剗薦當年事攀輿此日情
前身疑德曜當代見飛瓊
度朔初開會登堂進巨觥

前長孫... 蘇餘... 蘇武... 數... 收... 謝... 賣羊... 熱... 面...

七言排律

馬... 松山近雲樓作二十四韻

十畝松山容舊隱數椽高閣插層巔東臯舒嘯同彭
澤北郭經營顛朝川地僻最宜千樹橘夜深長對一
谿烟提筐採蕨時逢麝曳屐聽松忽見泉草骨石梢
鋪繡錯藤緣屋角故纏綿屏開衆嶺嵐初淨雨歇長
林鳥未還童子承蜩看獨往獼猴拾蠅擾羣眠陂塘
任長菰蘆密籬落親教薜荔編洗硯何妨魚溪溪彈
琴偏近水涓涓風回荇藻榮芳渚日暖雞豚下稻田

車馬漫驚麋鹿跡荆榛豈到蕙蘭邊山腰紫笋元無
禁池一面紅菱不取錢稽阮披襟塵世外求羊抗論葛
懷前牙籤歷亂成書癖絹素淋漓證画禪年少徵歌
珠宛轉美人鬪伎袖翩躚穿花彩蝶翻金粉弄曉黃
鸝沸管絃叠叠朱樓凝暮靄迢迢紺宇迥諸天雲中
樵唱孤峰出枕上鐘聲萬壑連帝子藥爐還自冷神
仙鶴駕是何年嚴陵高士江流穩任助賢侯第宅遷
但倒銀罍其可矣縱非金谷詎徒然狂知違俗應難
改性愛偷閒適所便把篴細吹楊柳曲逢人笑喚海

棠顛焚香掃徑饒佳興况有當頭月正懸

近雲樓余幼從家君讀書地偶懷風景再占六
韻

書牀偃仰添幽思画閣登臨動遠心溪碓和鐘雲外
響板橋一綫雨中深雙雙乳燕晴還舞个个新蟬晚
更吟徑僻長聽松子落臺荒半被藥苗侵飛觴最愛
歌紅豆看奕何妨就綠陰此日喜多閒歲月煙巒佳
處但開襟

長安中秋夜

江表文集 卷之七 七言排律
銀河渺渺天街迥水魄娟娟海嶠生六合一時同玉
宇九衢萬戶麗瑤京漫辭霜雪侵肌骨盡歛雲霞讓
太清樹愛娑羅偏有致實飄丹桂總無聲珠光照徹
通明殿玉屑寒生不夜城碧瓦朱甍添爛熳銅龍鏡
鳳倍縱橫那須秘閣然藜火好令諸宮號水晶一曲
霓裳聞貝闕千秋露液浸金莖五侯七貴聲歌沸寶
輦香車樂事并直宿禁中懷李父朗吟江上憶袁宏
莫嫌達曙還乘興肯使登樓浪得名里巷共判良夜
飲關山何限遠人情謬誇希逸工裁賦未識曾如馬

長卿

喜阮亭先生改授翰林十二韻

渤海蒼茫萬里碧泰山巖磔五雲鮮人倫爭識文中
面士顛誰齊子敬肩珠樹森森標赤幟金閨奕奕擅
青氈允宜芸閣蘭臺地無負含毫吮墨年上殿賦詩
降主眷入宮視草頌臣賢皇輿手訂追元凱鑒古心
裁繼馬遷盛代遭逢專異數大廷著作競流傳曾回
巴蜀傾三峽久向江淮障百川逸興不忌邀笛步深
情常寄衍波箋張華博物非虛矣庾信高名豈偶然

虎觀崇隆才望峻龍門敞豁網羅全絳帷問宇真多
幸二十年來與執鞭

帝京篇二十韻

神臯沃野皇居壯上國名都帝運昌西極崦嵫連細
柳東臨滄海接扶桑江河沆漭通南紀幽薊紆盤跨
朔方馮翊扶風同偉麗龍門伊闕共蒼茫已將上谷
爲函谷更說漁陽勝洛陽闐闐魚鹽多莫辨郊圻燈
火夜相望千帆耀日飛檣櫓萬馬嘶風盡驪驪亭幃
塵消閒鼓角沙村人醉擁倉箱百城雉堞環長樂七

萃龍旗護建章翠幌珠簾迎繡戶玉階金瓦繡雕梁
崢嶸虎觀聯鵠鵠爛熳麟臺倚鳳凰青瑣紫薇勞彷彿
涼宮燠館足徜徉九莖競秀生瑤島雙旂高騫出
豹房春暖上林巢翡翠波回太液浴鴛鴦曙光乍動
爐烟裊花影初斜晝漏長寢廟郊壇森俎豆琅璈寶
瑟引笙簧遐陬玉帛歸燕市列國簪裾有越裳東閣
嗟峨丞相第午橋璀璨令公莊名流筆倩珊瑚架才
子筵傾珠璣觴總此星分開地軸鬱葱佳氣溢長楊

題掌詹沈公冊子十二韻

雲霄闕閱雄三邇海岱文章屬五茸籍領群仙春色
早榜凌千佛霽雲封大廷制誥推張鷟當代聲施重
李邕人向彤墀瞻表帥天教赤縣得儒宗一時著作
標華省萬國甄陶仰辟離儲禁楷模隆禮數經
筵氣度自春容宮中草賦恩波渥殿上傳餐雨露濃
更見祥麈歸夾袋同資大冶鑄洪鐘御書灑瀚榮
千載宮睿製輝煌出九重堂陛賡歌真契合臯夔今
古此遭逢墨莊濟美誇雙鳳皇路連鑣有二龍南極
星躔占里聚竝疑蓬苑接吳淞

新文書高太史冊子八韻

南國久推名下士西京傳寫禁中詩拜官最喜留丹
掖賜第今還近紫墀磊落相如千載遇風流太白九
重知名花艷映蟾蜍硯御醴香浮琥珀卮薇省仙郎
隨翠輦芝房妙曲奏銅池牙籤待校趨朝早玉漏初
沉歸院遲錦字銀鈎恩爛熳龍縑鳳藻句淋漓一時
賡和元非偶亘古遭逢洵在茲

呈益都馮相國二十四韻

鳴珂里巷尊駢邑補袞絲綸繼孝豐赤烏老臣深

帝眷紫薇盛業沃宸聰兩朝翊運推宰相一代調
元繫謝公久向鳳池叅密勿獨支鼇極轉鴻濛嘉謀
每挹回天力願畫長資浴日功牛喘關心占化象鳳
巢得地慶非熊幾爲霖雨蘓黔普長共星辰護顛穹
正笏無虛千載遇持衡儼有九齡風廣稽百世陳金
鑑細疏諸經降玉虹浩滄滄溟飛腕下嶒岷岱岳立
胸中芙蓉初日文章麗河漢微雲藻采工早歲幸裁
思陸贄當年簡要邁王戎堂簾若爲徐陵肅因圖還
緣定國空瘞骼恩私傳道路育嬰德澤及兒童解駘
指困賢難紀種柳蒔花興自雄勝絕林巒藏水榭閒
開宴賞弄絲桐平泉徑僻容三島梁國門高冠九鴻
性癖吹噓無倦色躬勤吐握出虛衷珊瑚爭羨歸羅
網芝桂全教備藥籠直命駑駘皆奏技肯令騏驥尙
終窺群英爭託翹材館多士欣逢碣石宮豈必半甑
分謝朓謬邀純錦許文通喬松心跡元無累伊呂勛
名足媿隆恰值霍橋仙子集借將一曲頌高崧

卷十三日次
 詩
 四言十二首
 五言絕句五十二首

江辰六文集

貴陽

江闔辰六氏著

兄

江源逢其氏

弟

江澄梁雪氏

江湘文江氏同校

卷十三日次

詩

四言十二首

五言絕句五十二首

卷十三日次
 詩
 四言十二首百五十三首
 五言絕句五十二首

江辰六文集

貴陽 江闔辰六氏著

兄 江源逢其氏

弟 江澄梁雪氏

江湘文江氏同校

卷十三日次

詩

四言十二首百五十三首

五言絕句五十二首

六言絕句八首

七言絕句二百五十三首

卷十三目次

五言六文集

四言

贈副使薛公入衡州名宦恭紀十二章章八句

日維雍州實臨長城大河為塞太華為屏華山峨峨

河水盈盈日維誰氏實鍾厥靈 此章敘發祥之地

維茲大邦元氣橐籥誕生喆人祥光汎濩燕投于懷

麟紱其角攸相天民為世先覺 此章敘誕生之始

迺邇厥初實維奚仲美玉良金四國攸重經明行飭

為王家棟作賓于京雝雝鳴鳳 此章追敘家世及筮仕之年

帝簡湘東度入機衡禹碑舜廟南紀崢嶸取章孔厚

夙夜維清不茹不吐彼都以寧

此章舉蒞事蒸湘而總言之

日子好德陳筐釋菜乃崇先哲乃敦嘉會髦士雍容

從公于邁顧茲石鼓羨唐如在

豈弟君子遐不作人吐哺握髮敦學惟醇迺招俊乂

莫不景從啓茲來學聿觀厥成

時維寺人賜張無狀湖湘之游靡不怡悵力挽頽波

屹然獨障弗避強禦允為民望

上三章敘興復石鼓書院拔識諸生不屈

寺宦及屏除藩邸妨民之害

迺作霖雨漸被多邦召伯南行至于郴江穀我士女

新平義章羣醜咸服庶事允臧

此章敘攝事于郴于宜章常寧礦盜寢息

百廢修舉而言

隨山刊木乃屆沅陵乃翦乃伐露處宵興乃裹餼糧

日維飲水言念君子風度稜稜

涉彼岷江言采梗楠架入其阻豈日幽探載離寒暑

云何以堪盡瘁事國南平之南

上二章敘採木辰州復于涪州之役于王

事亦云勞矣

天不憖遺遄歸帝所莫可贖兮有涕如雨行不歌謠

春不相杵君胡不歸王事靡盬

此章敘厥考終人思其德憫其勞而言

言念君子久而靡斁于豆于登用昭世澤公名旂常

公壽金石嗣有令緒紹衣孔席此章敘衡之士庶愛慕之情久而愈深宜

其追思從祀而因頌象賢之得人復能統承吾先聖之道也

[Faint bleed-through text from the reverse side of the page, including characters like '言念君子', '公壽金石', and '其追思從祀']

五言絕句

中林雲錦山居合空山汝見人長土與棄置同秋草

松門多惠風苔徑浥清露羨彼嶺頭雲往來常不住

玉風黃麻庄作人殊思空香閣蕭瑟盡蓬土更吹何

落葉隨風去閒雲帶雨來眼前無一事且覆掌中杯

夕霞偶見來城烟映水波何曾夢蕙回夢中隨籟雜

交交雙翡翠和鳴金井闌美人怕驚散躡足倚屏看

二人登城見月題學樓幾笑臨杯未覺欲去對人對

城頭見新月影落大江西家在古黔竹雲烟幾度迷

風塵山中餘千里一掃清風東顧不早黃沙
怪石懸危磴脩竹映高軒終宵萬籟靜微覺水聲喧
林舍雜感
信陵不復作千秋更幾人津亭空洒泪黽勉拂征塵

年年送客歸懷抱長愁絕同是異鄉人如何復離別
氛氲香氣合花樹一庭春新月偏生皎凭欄憶故人

異地嗟畱滯何爲久不歸高堂垂素髮莫待岸楓飛

雷塘

簫鼓雷塘路空原草色多樓臺看已盡杜牧不堪過

贈客

漸覺朱顏改相逢念爾愁寸心圖報國不是爲封侯

山館

結宇松杉下春禽噪路邊看花歸意嬾便傍白雲眠

灘瀾

水鳥身如錦鳧鷖似此稀背人長喜浴只自愛毛衣

六翻休教剪雕籠亦可無稻梁曾不慮終恐戀江湖

秋閨怨

繡閣西風入寒砧并月高征衣何日寄夫壻在臨洮

羊流晚眺次壁韻

荒邨殘雪照孤閣晚風吹叔子今何處田間臥斷碑

二

日暮凭高望平沙入遠空勞人因選勝道上遇愚公

歸夢

思君頻見夢因夢倍思君寒夜能顛顛牀頭月二分

二

臘盡無多日春光尚杳然香閨相葉酒不見又三年

凱歌

蜀道妖氛盡黔江瘴癘開官軍平虎落驚訝自天來

二

劍鏑寒秋月休云虎負隅幾年不耕土今日見農夫

三

中流帆矯捷旁午鼓纛豪坐見鯨鯢滅將軍敢憚勞

絕徼戈鋌息巖疆壁壘空凱歌傳馬上俘獻未央宮

五

薄霧卷珠旗驚颺鳴玉弩尅日罷樓船 天子自神

武

六

帝德沾濡遠乾坤一旦清昨聞宣露布薄海頌昇平

七

天討無遺策鳴鳴計早窮遠方欣就日從此戢琇弓

八

貔貅才振怒蜂蟻已全平玉帳饒閑暇沙場更射生

九

九州同化域萬里永銷兵將士還朝日雲臺奏告成

天恩主澤非盟車所藉極是熱心不部卒回此中苦

秋風低落雁壯志寄飛鳶報國男兒事寧要竹帛傳

藥空明妃然則爾長吾慰交拜誰謂女能長入壽域

明妃不解事枉自怨春風欲得君王顧如何忤画工

青瑣日占滌行亦厭止立支絲不與非神戲更賦行

寄語韓王孫行行須止止文終不復作何地覓知己
囊空昔已然陶衛非吾想安得龜龍文置身大庶長
天道是耶非鹽車何潦倒長鳴知有時寧向此中老
函牛鼎尚存棄置誰爲惜不見鳴雌亭封侯真赫奕
冷雨響空堦纏綿苦未已無端雜雁聲總入愁腸裏

木瓜

酸楚已年年何心還作頌顏色勝宣州安得紅粧共

佛手柑

閩州萬里遙芳潔世稀有不見風塵人可能提挈否

黑兎

有兔炎如漆中山見亦稀奇毛堪作玩相對自忘機

紅鸚鵡

慙非作賦才虛負紅鸚鵡且喜遠金閨樊籠不汝苦

蠅虎

些些綠敗壁如爾亦稱虎頗欲饜蠶食物情太不古
肥大託禪福藏身何太巧乍聞湯沐具垢穢那能飽
爾實產南方堪供郊祀用多君入漸佳宜使將軍重
翠穎本奇珍不爲凡口識洵如君子交臭味久方得

六言絕句

歸雲莽次吳白雪四晉

春塢幾行梅樹湖山一帶人家曲徑烟嵐深處逢僧
洗竹栽花

出郭水廻山靜到來我愛僧閑不少名園金谷輸他
竹閣三間

暮靄村烟一色梅痕月影微分
隔渡山樵歸晚雙肩
擔出溪雲

去路飽看山色歸舟更坐春風日暮未闌游興烟霞

盡在胸中

出再和四首

翠篠叢中谿澗白雲堆裏僧家日暖晝長無事鶯聲
亂處看花

地僻池亭寂寂林深鳥雀閒閒半榻竹窗高臥尋常
不到人間

紅樹碧潭交映丹崖翠壑十分都道秋光堪愛看來
誰學歸雲

繞屋梅花待月當窗雪片迴風晏起不知寒盡行藏

只在杯中

七言絕句

泊江州

琵琶聲絕落霞橫
愁向孤舟靜夜生
江到潯陽潮亦

止遊人自笑尙南征

偶檢殘編載虞美人
草生虞姬墓上無風自舞

感而成詠

玉帳悲歌泣數行
虞兮化草草生香
相看翠葉凝朝

露還似當年別楚王

垓下重圍霸氣銷
貞魂已逐劍鋒飄
可憐碧血成芳

草猶爲君王舞細腰
羅袖飄香出洞房
斜簪茉莉點新妝
閒將棋局敲殘暑
輸却金釵與阮郎

玉笋巡巡下着遲
倚杆揜袖斂蛾眉
相看旖旎撩人處
更在停思應劫時

楊柳詞

嫩葉如眉似欲顰
數株搖曳不勝春
那堪更向長堤望
烟雨迷離愁煞人

紅橋卽事

渺渺沙堤淡淡天
蘭舟蕩漾幾盤旋
夜深酒倦扶歸櫂
摘得芙蓉香滿船
隔船誰家浪出遊
烏絲斜綰玉搔頭
採蓮歌韻天然妙
分付笙簫不用投
月下佳人卸晚妝
綠荷池靜坐來涼
夜深露重歸簾外
茉莉花開香滿房

納涼

樓賢山看梅

千株綠萼照青山野老翻輸太守閒
泛棹城西三十里攜將斗酒醉花間

棲賢山下野人家幾向東風誤歲華
不有杜公能索笑香時虛却一春花

夾岸雲低欲暮天推蓬却到遠山前
歸來載得參橫月無數梅花在畫船

暗香疎影着閒身此地何年許卜鄰
不爲青山難買得如君合愛素心人

孫無言將歸黃山寄贈

天放名山歸處士詩瓢此去挂天都
籠中採得軒轅藥肯向菰城寄與無

茱萸烟月滿江灣中有高人日閉關
應矐已知隨地隱祗今何必霸陵山

高隱直思埋姓氏結廬常恐近人間
倘能謝絕畋漁處我亦隨君共買山

僕夫沈二從遊天日見余遊天日歌
行殷勤索書書成更得二絕以贈
風塵未定欲來和紙
似我看山計已疎蕭然行李半肩書
人誰着意憐風

雅却笑高懷爾不如
十許年來客裏身
奚囊題句總風塵
多君索咏爲君
贈解悟而今更幾人
薄倖春來尙未還
思君日上獨松關
看他風雪長相
對羨煞郎山與婦山
郭南竹枝詞

春衫一半泪痕留
懊恨雲山怕倚樓
最是錦溪驚妾
夢夢闌時節不勝愁

五山仙子遇非奇
竊得仙緣倘可期
祇恐長生翻易

得應無丹藥破情癡

郭南有五山屬姚姮遇仙處

南嶼繁花繡石巔
臨池却憶種香年
妾今覓得西施

種留取郎歸爲我憐

南嶼山有石池舊傳西施種香地

晏城旅舍有吳門女張琬如題詞甚悽惋較門

見之和其後後五年余過此爰次韻以足蛟門
憐惜之意

多少沉埋繡閣中
吳姬莫更恨飄蓬
關山譜入邊笳裏
猶勝空閨怨落鴻

兼前客暱愛姬詩以嘲之

簾前帶露折花枝
問道檀郎花似誰
試看爲花拋笑
眼雕陰應不憶紅兒

春帆雨夜

一枕春山畫不如
夜深燈火到村居
布帆十日皆風
雨翻得餘閒讀漢書

題陸高仲小像

葛嶺雪深才別去
段橋花發更相逢
笙歌十里西陵
路書盡船中對士龍
應是龍門落稿時
松間石上染烏絲
江東那得如卿

比莫更逢人說項斯

題左侯祠槐龍

百尺高槐老更奇
婆娑自愛萬年枝
春來爪甲偏生
動不減僧繇入畫時
次徐野君

清水潭西隱碧烟
蒼虬蟠屈已多年
錦心繡腹原龍
種何事隨人謫九天
次陸蓋思

鳳皇山下早寒生
南省無從問落英
憐取一株當日
樹夜深絲竹在春城
不次陸吉人
長疑引去落秋江
却向荒祠對法幢
幾爲不平還起

舞祗今崔鳳羨無雙次徐激生

鱗甲依然帶雨斑知君不久卧深山風雷獨恐相催

逼咫尺青雲未易攀次許德遠

槐衙人靜夏如秋滿院涼生翠影浮一似冷泉亭畔

立松風謾謾捲靈湫次栢靖公

獨倚秋雲領衆香等閑榮悴總蒼蒼從知更作楊雄

賦玉樹無煩說建章次陸恂如

龍經著就是何年驚起潛驪出曉烟肯學葉公徒有

癖探珠直入維中天次王丹麓

谿流新漲不成波倒照空庭見碧柯為問風流髯學

士當年相對更如何次羅集公

偶因題竹到祇林我愛生公入定深昨夜燈前問說

法如何聽外作龍吟次僧本來

題胡循畫畫石上人

如拳塊石自叅差醒酒平泉此最宜只為鬱林同載

後松廳竹戶許相隨次僧本來

題蓋思小像

須看如畫愛西昌幾度經亭醉綠楊輕拂衍波應有

賦好將新語獻明光

題女子李今生梅花

枝頭猶覺弄春寒清絕何須帶雪看
一任高樓吹玉笛
笛芳姿自信不摧殘

圓覺庵和聞極上人

江干樹老影都清一衲脩髯此出迎
坐客不知逢六月披衣礪塵話無生
古木堤

虎溪逼近鏡船峰偶向人間寄短筇
不道湖名宛相似聊憑鷗鳥蕩心胸
鏡船湖

野泊但知僧舍好憑臨更見一山來
滿天霜色陽城曉閒煞支公夢未回
陽城山

秋江日落戰風豚一片濤聲正到門
明日却從堤畔看夜來新漲沒沙痕
聽江

揚州憶舊

董公廢宅久榛蕪里巷猶能說大儒
却惜英君逢武帝如何止是相江都
翠羽西歸梁家事業暮烟空同泰都
隨帝運終爭似千秋文選在故樓無
恙立西風

江城勝事未應稀，月觀風亭嘆已非。
安得生當徐刺史，不教狂士賦無衣。
紗燈萬點照重城，珠翠成圍載酒行。
爲近竹西長感舊，每聞歌吹輒多情。

題張菊人扇頭紅梨

左掖仙姿別衆芳，春醪不似蝶輕狂。
嫌他冷艷全欺雪，贏得桃花半面妝。
代題安榴圖寄晚子者
味比楂梨君倍勝，紫房初熟憶新羅。
孔郎莫謂時來

晚伯起魯云子最多，樹香十里籍香陰。
爲持纒扇倍多情，嬌怯生愁問小名。
隨意簪花明月下，憐人不在度新聲。
贈媒
中秋江上
前一日屬余初度

每逢初度在江頭，佳節重驚更幾秋。
此夜無人堪共醉，只容明月過孤舟。
古桃源

不到桃源已十春，荒城今始見居人。
可憐久屬干戈

地莫向漁郎更問津
燕市口號

年來幾度蹶霜蹄
踏徧中原莫定栖
一點多情天上
月感他隨我到東西

題李太史扇頭美人

余所見

才看柳色早生顰
一縷纖腰惜太真
但得臨風窺半
面料應占斷漢宮春

送羅蘿村之皖城幕次紀葉子韻

廣陵城下盡荷蕖
臺榭香生十里餘
君到花間爲閤

訊臨風莫惜數行書

空江那更說廉泉
賓主風流足可傳
料得邵公能卧

治衙齋花下枕書眠

七夕集方漣先生邸舍

同在天涯感慨多
深秋無奈月明何
頻年作客長離
別私羨雙星又渡河

畫寄亭

湖山清遠說西吳
郡圃無山亦畫圖
人立草亭花鳥
靜畫工能此畫圖無

悠然閣

小閣當窗濕翠懸
主人山色兩悠然
從今郡治添佳話
不教顏蘓獨自傳

清塘橋集飲

春波平處繫花鞦
橋上青山橋下烟
絲竹聲閒賓客醉
都誇文物屬蘓仙

太守行春醉未歸
山中父老見應稀
坐來隔岫人爭望
不道朱轡到翠微

泛杯恰恰近春流
夕照微茫山水幽
幾點漁燈明滅

裏洞簫一曲出芳洲

雲共曉禽林

玉蕊蒼翠

韻韻

去不

公

神于

昨聞織婦罷新蠶
物候驚心客未堪
傍曉復添凄絕淚
數聲的的似江南

一枝應不羨雕籠
消盡晴霞共曉風
翻怕休文愁入夢
驀然喚醒五更中

宿華巖蘭若

無計驅愁只醉鄉
羸他估客占風霜
窗前沉寂無啼鳥
但許鐘聲過上方

江風六文集
卷十三
詩
高卧雨夜

相如久客念都灰誰把平津畫閣開
風雨不知愁思切故教消息枕邊來

夢墓送客

朔風吹雪下南天遠道躊躇馬不前
澤國寒威偏占早輕帆莫漫挂江邊

非開圓應庵和上人之

雲扶絕壁枕江流蒼翠隨船走不休
隔岫千家烟樹裏誰還作賦到高頭

早題帳額梅花

送盡春風不解愁一枝憐取傍床頭
長留上苑同心意入夜無香亦自由

冷艷漏將春較蚤疎枝不與雪俱飄
闌前會報垂垂發領略餘芳一樣嬌

題畫呈龔大司馬六首

琅函封罷漏聲移燈下焚香削草遲
不是青衣傳入市閭門劄子有誰知

夜草密奏圖長
桃葉春潮花發時朱樓画舫遍題詩
謝公自爲蒼生

湖外集
詩
七言絕句
十一

起閒却東山別墅棋
秦淮圖

梅花嶺外鷓鴣啼
象郡峰高雲影低
非是尉陀勞漢

使欲教南海識
昌黎不艾過嶺圖

兩峰蒼翠帶湖明
三月啼鶯樹樹聲
聞道六橋游覽

處蘓堤近日已更名
西子湖頭春色深
圖

旃檀香閣淨無塵
退食閒從宴息頻
盡拯群生離火

宅始知杯度是前身
長春禪喜圖

溯洄宛在水中央
面面蘭橈葺葑房
尤喜謝庭春色

早皎然玉樹漾池塘
春帆玉樹圖

七女侍坐家大人命賦

何妨踪跡雜樵漁
只此團欒計匪疎
河漢風濤休得

慮郝家空有腹中書

黃巾白馬正縱橫
相對人人話治生
夜分更無他請

託但將斗酒祝升平

村居紀事

農家終老此鄉居
新釀初成喚里閭
剪韭種瓜都不

慣弋將鳧雁當園蔬
雨無故不

鄰兒丫髻便操船
打得柴枝不賣錢
猛聽篙聲和水

湖外集

落斜陽一片到門前
人家檐溜與肩齊
風雨無妨不厭低
野柝模糊剛報罷
枕間聽得滿村雞
殘冬村舍易黃昏
坐擁紅爐晝掩門
靜對細君看刺繡
喚將小玉熱青尊

漁翁自傲我無求
谿上生涯半酒樓
偶過鄰家看曬網
隔橋驚起一群鷗

移家適近大河邊
垂柳蕭疎隱數椽
囑付載將雞犬去
簑衣斗笠一魚船

捕鴨人何帶笑回
喜逢好鳥誤飛來
鴛鴦瀟瀟尋常少
落網籠歸仔細猜

田間瓦雀聲啁啾
得食呼群去更留
窺見兒童驅白犢
看他齊上矮簷頭
寒到波浪尙未冰
暮烟細雨自層層
輕風蕩漾疎林影
露出漁家幾點燈

夜來月色上窗紗
不道天風散雪花
村徑喜無城郭礙
春光都入野人家

題汪叔定小像

當日羅浮事有無
綠衣嘈唧冷相呼
祇因絕艷留人甚
故作參橫月落圖

百尺樓前取次開
東風不爲破寒回
早知宋璟能裁賦
却向含章遣信來

送徐健庵太史

不道江南風信蚤
今朝送客着重裘
祇緣時事須安石
滿地黃花不敢留

喜葛衣寄至

風塵擾擾復何求
冀北江南動客愁
燈下得書剛五

月免教裘敝尚披裘

十年作賦未全非
碣石雲迷識者稀
知我有卿應不恨
江郎偏恥受人衣

退谷依壁韻

亭前繫馬日初斜
雲近山高暮景賒
明月怕教人睡去
故和松影照流霞

每望西山興轉濃
曉雲一半隱芙蓉
我身亦有烟霞癖
好住山中第幾峰

香山坐月下

尋幽忽到萬峰間
流水游雲日往還
夜半披衣須更起
月明長嘯對青山

司禮監劉克勤墓

劉以不附魏璫陷害其義見王承恩從莊烈愍皇帝死

羞與朋奸觸逆鱗
已判得罪殺其身
義兒竊附孤忠後
那肯全生負主人

某宮人墓

墓門無念暮雲遮
見說當時是內家
最是多情堦下樹
年年猶發合歡花

得家大人手示知扶祖母許宜人柩合葬先祖

尚寶公于真州之北時丙辰八月三日悵然志

感

臣無祖母念都灰
長夜悠悠不再來
最是發喪歸未得
幾番南望可勝哀

已知合葬向山村
負土何時到墓門
浪跡經年無一可
開元愧殺半千孫

黃夢先慈時久於都門

夢中猶見髻如霜
夢後惟餘淚數行
弱馬奚奴腸寸斷
歸來誰復問縹囊

送夏宛來之解梁

祇今木葉下林皋迢遞風霜未憚勞此去登臨歌更
壯黃河西望秦雲高
桓典今推第一流芙蓉輝映足千秋但逢日墮須相
憶匹馬衝寒別薊丘

寒月

無限悲秋賦不成可堪寒月倍分明當窗一片清秋
影直照愁人到五更

讀梁大司農使粵詩次鄧孝威韻

前年京雒苦淹留博得秋風一葉舟忽報使星過嶺
表旌旗光簇海山樓

重到南雄故老稀暮雲多處淚霑衣春愁不爲傷今
昔文獻祠邊未忍歸

素馨花發理銀箏驛舍應添故國情翻惜海南傳陸
賈不留詩句尉陀城

平原道上

十年踪跡類飄蓬馬背長吟禦朔風却喜道旁都是
雪孤行如在白雲中

戊午七夕
蕭寂當如此夕何蒲萄滿瀉且高歌傷心怕問黃姑
事只爲年年客多

買不羅公祀鄉賢詩以紀之

聞說慈幃嬰疾痛親調方藥不勝悲王戎至性由來
孝不獨支牀骨立時

愁絕雙親竟棄捐麻衣和泪泣荒烟去喪不更衣綿
帛高行爭傳朱百年

山寺魯懸高士榻便便萬卷在胸中移書就月吾家

事不道先生事偶同

生平不慣因人熱風雨何妨寄一枝寄語當年王錄
事少陵安藉草堂貴

悼歌者雲生爲王仔園賦

春心生小不勝愁蕙質蘭吹第一流怪煞王郎多薄
倖却教斷送在邗溝
情深不在画雙蛾一曲臨風寄恨多身後還將人意
亂當年相對更如何

過半叔子故里

力可平吳不早平，却留孫皓亂江城。
輕裘緩帶真何補，峴首偏教浪得名。

齊子愛妓早亡詩爲傷之

纔言蘓小淚先傾，高髻雲鬟畫不成。
賺得沈郎腰瘦損，合歡樓寂笛無聲。
十許年來意自真，忍教蕙質老風塵。
巷過金綫情何極，不見花前舊麗人。
簾幕塵封玉鏡閒，却留蜂蝶舞衣間。
情深不信紅兒死，只說如何去不還。

春殘萱蕙落紅多，懊恨歡娛夢裏過。
聞道韓憑猶有婦，幾行暗淚濕香羅。

和趙浮山贈女史四絕元韻

梨花滿院不勝寒，旖旎仙姿驪畫闌。
爲愛看花歸去晚，看花人轉作花看。
樓頭春曉未成妝，欲語先聞齒頰香。
鴉付東風須領會，柔枝不許蝶輕狂。

相逢不減十分春，耐得溫柔復幾人。
千古多才同一恨，偏教淪落此風塵。

緣慳無路到巫山塵世何由見玉環君果憐香休更
悞好拚金屋貯朱顏

會宋七夕有懷

淮南今夕復何如薄宦無成令節虛京雒一同河漢
隔那能奮翅到庭除 憶家大人

郝家空抱腹中書懊悔蓬飄計太疎但得買山營小
築弟兄終歲傍田廬 憶長兄暨兩弟

填橋消息久荒唐夢到穿鍼各一方爲報江郎顛顛
盡吟成長託醉醒鄉 憶內

示女
墨莊付託到今虛喜汝初堪正魯魚却笑若翁知自
誤逢人嬾更說詩書

荒齋圖史逼窗虛風雨休教飽蠹魚辨取賢媛難到
處少君德曜可關書

過李卓吾墓

墓爲其友鳳陽馬侍御經綸治葬
秣陵焦澹園竝題碑碑陰新安詹

在衡軫
先作記

溫陵迢遞可曾歸磊落如君近代稀書卷但留天地
內那論人世是耶非

文季云云且奈何教人羞向此間過濠梁有客能相
識留得豐碑在潞河

李南宮貽我以醬及瓜茄走謝

私揣雲亭計較迂何來五味佐行厨故人分我連珠
醬不欲經成等覆瓿

願學東陵那自由蓬飄京雒信沉浮青門五色牽魂
夢能不相逢憶故丘

埋沒泥沙未許分多君識取重殷勤紫茄白莧何清
介更有貧交累蔡君

夢中對乳母愀然有感

關河修阻夢都虛那得天涯一紙書二十年前頭半
白不知此日更何如

中秋夜值秋分又爲李南宮初度卽席四章

瓊樓玉宇倚青霄入望無雲萬里遙留取謝莊來作
賦平分秋色是今宵

秋光無限着庭柯仙李分明帖較多南極老人今更

見不須竊藥問姮娥

堦前花氣入簾櫳一醉如泥典轉雄局戶不知更漏

盡但聞仙響落空
中宿人月雙清君不媿
南樓賓客我如何
懸弧一日爭先
後戴笠乘車隔許多
予生前南宮一日

湖平九日同李南宮有龍潭之約雨阻東謝兼索送
更對酒字醉青霄人望無雲萬里
思尺龍潭秋最好已判一醉到斜曛
天逢此日偏風雨那得新詩慰仲文

結客如君近亦稀
天涯相對可忘歸
黃花笑我非彭澤却望金尊走白衣

南宮庭前春海棠
秋日重開分賦
我從敏叔栽花譜
情客應須屬海棠
那更寒蟬秋思切
梧桐影裏漏春光

天高露下感蕭辰
亭倚香霏倍可親
傾國何須能解語
幾分紅暈最憐人
軒軒玉署亦何幽
別有仙姿點素秋
宴賞風前香細細
銷魂不復數嘉州

方脉望困於燕市
九月值其生日止之飲
騏驎如何悵遠遊
罷驢爲伍漫深愁
滿床書卷供浮

日未許黃花占斷秋
司馬頻年亦浪游
長門賣賦那禁愁
相逢莫便傷遲暮
多少簪裾髣髴秋

征鞍覽古
堂阜不教逢鮑叔
才如管子亦終窮
世人徒識黃金重
翻羨區區取予中
管鮑分金處

英雄歲月易消磨
九合功名已足多
地下若還逢召忽
不知相對意如何
當年劉項總成塵
只此荒墳尙未湮
留后肯從睢水

死不應傳說姓虞人

虞姬墓

商丘自昔甲中原
道上猶聞車馬喧
農父近前須更問
城東何地是梁園
商丘

君恩莫報死原輕
城陷何容身獨生
士卒乏糧曾殺妾
可憐此妾不知名
張巡墓

造字何年跡久陳
荒臺猶在汴城闔
翻嫌倉頡偏多事
悞却人間幾許人
大梁

邯鄲河外破秦軍
公子雄風今尙聞
客過夷門須駐馬
途人都識信陵君
其二

不愛千金不愛身梁家乳母媿諸臣
太牢肯受秦王享公子雖亾亦主人

其三

一擊沙中計未成報韓人去尚如生
秦吞六國今安在千載還傳博浪城

其四

孝王遺勝重徘徊作賦諸賢不再來
多謝老僧爲指點宋門門外卽吹臺

其五

城郭依然接大河幾經陵谷不堪過
故宮湮滅渾難辨艮嶽都平草莽多

其六

點檢如何對故君漢遼合寇本傳聞
黃袍禪詔須臾

辦擁立猶云屬六軍

陳橋

太公遇合足千秋王佐功名屬白頭
誰識熊羆初未

卜朝歌市上學屠牛

太公臺

直諫還誰得見容剖心慘復過龍逢
須知牧野陳師日墓艸愀然不願封

比干墓

朝歌城北亂啼鳥聞說當年亦帝都
立馬徘徊三太息可憐禾黍盡荒蕪

朝歌

骨月相殘晉室危昏如孝惠實堪悲
侍中被殺君無恙最是百官皆潰時

稽紹墓

六字豐碑不記春于今還自立通津聖門弟子多賢
者一貫心傳更幾人
子貢故里

願獻雒西曾不惜爲聞炮烙甚酸辛當時不有崇侯
譖美里何緣見聖人
美里

一望西陵盡綠莎美人帳下不聞歌生平莫作瞞人
行疑塚何須用許多
七十二疑塚

呼吸平齊七十城無端遭謗恨難明惠王自把長城
壞騎劫如何可將兵
樂毅村

在外從亾十九年周旋急難更誰賢比聞偃與兄同

往何事而今竟不傳
狐偃故里

爭羨中軍請老時舉讐舉子總無私還賢晉主知人
甚一再相商更不疑
和奚墓

旅舍窮年頗自疑性耽洒掃是吾師祇今難遇河南
尹不爾時賢那得知
郭泰故里

綿上人傳晉大夫禁烟還似舊時無文公悔過猶賢
主母子俱焚計太愚
綿上

幾度河干把釣垂不逢漂母絕人知喚來勝我爲都
尉真是英雄吐氣時
韓信嶺

江表六文集 詩 卷之三 七言絕句 湖外集

武涉蒯通會不用縛歸紿入總無他舍人一語夷三
族只此寡恩若漢何其二
智伯云公肯獨存伏橋入厠足銷魂讐終未報留遺
恨一死難償國士恩
豫讓橋
寄語共工莫浪爭地維天柱可能傾好乞女媧曾煉
石爲補人間最不平
女媧陵

聞說平陽是故宮郊原未必舊時同
訖今四海安耕
鑿人在堯天作息中
堯廟

遭亂長難事兩全
襄兒存姪亦真賢
來朝縛樹防追

及伯道雖愚恐不然
鄧攸故里

直愁洗耳汗牛口
身外都蠲第一流
長恐無人平水

土箕山那得屬巢由
巢由廟

稱禪早憂貽口實
獨留臣節在千秋
後先同是箕山
去時俗空知羨許由
伯益故里

時至周隋未忍聞
高人只可隱河汾
田廬縱闕寧須
出楊素如何得識君
王通故里

器量自知堪破賊
不妨蔡卒作牙兵
臨戎安得昔公
等元濟何難計日平
裴度故里

工長六文集 詩 卷十三 七言絕句 二十五 湖外集

晉室王敦真跋扈幾人諂事不留餘唯君命盡終難
屈無負初年此讀書

舜去蒼梧跡尚留條山遠接大河秋阜財解慍良非
易安得薰風遍九州人只帝舜彈琴處

故都地與龍門近疏鑿功成豈偶然但對江河應痛
父肯辭胼胝十三年

安邑

身繫三朝安與危如公正直石工知由來先見原非
易况是新參未敗時

鼎湖踪跡舊荒唐更說衣冠葬此鄉好事流傳休便

信何來漢武與秦皇

軒轅葬衣冠處

昌言諤諤尙如新虞夏而還不數人共向在廷推執
法誰知衷曲在安民

臯陶廟

沉竈產鼃無畔志當年保障實難忘只如尹鐸君能
用食報應須在晉陽

趙鞅舊治

山高徑險氣蕭森一片荒城閱古今向使成安堪授
計淮陰猥絕蚤成擒

韓信擊趙處

卜者王郎未足悲詐稱帝子竟何爲滹沱渡後軍聲
振東漢興亡繫此時

昭烈初年寸土無猶能鼎足振皇圖天教白帝城無
急管許從容城魏吳昭烈故里
虎將端非浪得名知人纔可說知兵君侯智畧真無
敵善用嚴顏蜀遂平張飛故里
也知坐隱元非隱爭似權爲局外身國手轉輸時輩
巧爭先自訝不如人
飛刃侵邊勢縱橫支願何事任紛爭謝公只少東山
墅黑白當場看甚明

解嘲四絕

作客都亭困莫支典裘滌器意何爲縱令不拜中郎
將猶幸生逢漢武時

不有風流如賀監那知太白負仙才酒徒大笑還山
去也向金鑿賜食來

自是天家雨露寬並教下第換儒冠終童詣闕生偏
晚不得麟臺正字官

龍門人去日悠悠誰是文章第一流嬾拙祇今藏最
得從他孫盛作陽秋

送祝京山赴楊撫軍幕府

荊州南去接章華驛路千山馬首斜故國親朋如我
問漫郎今日尙浮家

油榨關高直到天叅軍此處好停鞭西南洞壑多奇
突次第裁歸十樣箋

題汪孝女傳 歎汪于廣次女

鄰家罷社事如何至孝偏歸繡閣多判得一身從母
去新安江上又曹娥
九原母子如相識地下重逢喜可知試問斷裾人在

否當年枉自號男兒

送鄧孝威歸里

江上雲鴻未許籠還山仍傍鹿皮翁梁家帝子樓頭
月不減昭王碣石宮

魚米由來故里強綠楊深淺憶雷塘鳳皇池上君王
客却向流鶯謝建章

同獻甘泉願獨違扁舟今更羨君歸吾家樂令如相
值莫道江郎意興非

徐仲山同見遺有感遇四章依韻慰之

分得星炎同紫微太和門裏賦璿璣名山間氣今都
盡剩有南州一布衣

爾我羸疎信葛天好判花月付尊前岳陽雲夢才名
在肯把南山老浩然

風塵領取已無餘莫漫逢人歎不如萬壑千巖閒草
閣何妨歸著未完書

世路榮枯等欠伸幾能白首侍楓宸試看一樣沉淪
者更有蓬飄萬里人

百當送賀孟循之黔

漫愁苦熱炎方去蚤向秋炎住客船君載鑑湖湖上
酒飽看風月洞庭邊

才大如君復老蒼且拋書卷檄南荒唐家太白歸來
後更有詩人到夜郎

送童鹿游南歸

珊瑚碧樹世無多矜惜無人奈爾何石鼓埋沉淹歲
月只堪相對涕滂沱
咫尺誰云視九州市門騏驎但低頭會逢造父終能
用枵腹長鳴莫漫愁

江風六文集 卷三十一 二十九
岫嶼山碑亦自奇鸞飄鳳汨復誰知還判踪跡藏巖
壑江月松風足四時
水北水南人盡遇偏君落落歎遭逢叮啞好護豐城
劍肯把雄心向酒慵

聽松圖

江干松影最蕭疎萬仞風濤總自如朱夏晝長無箇
事何妨藉地枕殘書
自笑車塵誤此生多君先我到江城乍疑風雨來天
外不辨松聲與水聲

畫臥

碌碌風塵已半生嬾將懷刺謁公卿雙扉晝掩支高
枕不管門前剝啄聲

已未九月夜夢廬山醒占二絕

八年不踏廬山路今夜廬山入夢來手撥白雲登絕
頂江湖浩渺一舟回

人過簡寂松真好臺近清涼石最幽懊恨不因塵俗
絆棕鞵笋笠更何求

歸隱送宋叔遂歸溧陽兼懷彭爰琴

但到江南只閉關試看倦鳥亦知還長安退下歸來
後不爲緣慳病次山

我更何心賦大鵬君才不作秘書丞寄言彭抗焚章
句好學飛昇最上乘

八平寄賽青厓時令廣昌

比年備作未嘗閒千里離憂燕趙間黃耳不來書莫
寄幾番夢度紫荆關

鳳皇銜出紫泥書官舍團樂樂有餘聞道河陽花事
盛君家叔夜意何如

追懷往事忽三秋並轡看山亦勝游恒岳中條纔歷
尺羊曇還復憶西州
兩人心事顛商瞿此日安求虎豹駒晚子癡騃都不
厭免教垂老倩人扶

寄五弟

年來莊舄不成吟吾弟殷勤慰藉深里過宣陽誰與
問子昂枉自碎胡琴

瑕丘經術由來久三日應須辨阿蒙寄語庭前諸子
姪青箱莫漫墜家風

閱書及錢王事偶作

冠冕儼然元不偶
錢王智略亦應稀
山如石鏡偏多
幸木石都蒙賜錦衣

送王天門櫬歸里

妻絕廣寧門外路
素車寥落結愁雲
心傷武子年偏
嗇孫楚緣慳却累君

元日

人情歷久身都嬾
那獨椒尊讓少年
高束禰衡懷裏
刺不勞更覓九方歎

身雙春日

青絲細剪試春盤
客裏逢人且盡歡
幾度釵頭逢燕
子却聞花信早銷寒

題楊子小像

家住南徐第幾村
江流萬里遶衡門
祇今丁卯橋邊
路更有詩人顛許渾

送王仲昭歸武林

西湖湖上真堪住
花氣香連學士橋
最是吳山晴日
好推窗細看浙江湖

書李梅崖儀部近詩後

脫略如予太不羈
初春下馬便論詩
多君不愛爲凡響
酷學襄陽杜拾遺

題朱若臣聽閣

高閣撐空瞰碧流
亂雲堆裏着滄洲
千山萬籟都沉寂
耳聽誰如目聽幽

瀆陽四無

故鄉風景近何如
鄂渚南來夢漸疎
笑煞季鷹僮父甚
雙螯不憶憶鱸魚

無鱸

春色憐人鎮日醒
貫裘難覓一尊青
也知麴部頭銜好
長恐天邊失酒星

西南百劫足消魂
二酉殘編幾復存
惆悵湏溪風味

冷借書今更向何門
出入無書

荒城春雨濕朝昏
瓦礫填街不忍論
怪尔東風偏作意
却教遲久到花邨

衙齋書竹瓦瓦多塵雪
驟卷塵布滿几席色略

如漆詠黑雪

翻騰柳絮是耶非
謝女當年見亦稀
那得孤行披雀

筆研池猶喜墨花飛

屋不勝雨在在傾注竟同露處雨非尖利不及

此詠尖雨

清和天氣夜偏宜明月梁間照酒卮只怪雨師鋒太

銳鱗差碧瓦總何為

編篋作壁信風出入奈荒城寥廓狂飈每裹屋

西雨而至四面當之幾莫辨為東西南朔詠裏風來

驀地江風排四壁摧墻拔屋只須臾長聞宋玉饒才

思不識還能作賦無

楚南舊稱卑濕地雖冬月不燥恒若江濱潮汐

初落泥淖未乾詠淖地

卑濕季季莫湯愁鷓鴣容寄更何求神仙曾愛樓居

好偏此城中未有樓

過祭風臺

江干蕭寂剩空臺江水悠悠去不回獨怪東風能解

事年年依舊傍臺來

淶溪口

偶一停橈探古渡淶溪溪口不堪過長弘往矣精靈

歇衰草斜陽瓦礫多
題嘉魚赤壁

舳艫千里較雄雌
勝敗尋常那足悲
肯把阿瞞江上死
當年翻被阿瞞欺

纖月風臺

連朝病肺不勝杯
隨意高眠日幾回
最愛晚江風露好
放將纖月到船來

金口卽事

湖湘橘柚幾曾甘
風土都非我輩堪
不爲金河菱芡

喜却教錯認是江南

秋荻

平野蒼蒼作好秋
天高江迥雁聲幽
行人祇恐添羈思
蘆荻何知也白頭

潭州卽事

羶帳樓船遮水陸
幾多見女繞行營
九重早欲銷兵氣
將士從教罷遠征

半世聞身啼得二絕

山城柳色半黃時
偶向樓前借一枝
領略春風無限

意最憐啼罷少人知
半捲簾櫳吏事稀
春禽何事故依依
非關斗酒雙柑
美戀却庭除不肯飛

過喬且用杜韻

奔走喬江日春陰客思賒
淹留牽墨似昔疏
隔金華空岸隨烟斷
孤帆引雨斜
前賢有主住
莫更恨雲沙

蘇恭

喜泚塔韻歸吳正甫

江辰六文集

貴陽 江闔辰六氏著

兄 江源逢其氏

弟 江澄梁雪氏

江湘文江氏同校

卷十四目次

詞

小令八十七首

中調三十首

長調三十首

小令八十五首

詞

卷十四日次

五灵六支卷

小令

憶江南

廬山五憶

廬山憶最憶玉川門三疊泉邊藏月窟二層崖上見
雲根此地好朝昏

廬山憶却憶石門中獅子月明搗象鼓鐵船風細送

銅鐘四壁盡芙蓉

廬山憶却憶訪仙亭竹寺煌蘿留翡翠香山庭樹弄

丹青巖壑倍多情
天土齊臺昏翠
亦歸中嶽不采

廬山憶能不憶黃巖天上有臺看瀑布洞中綠石架
茆龕諸勝擁山南
廬山憶我更憶歸宗鐵塔懸空時隱見玉簾斜捲總
玲瓏有約待重逢

天仙子 第一體

閨思

暗憶沈郎勞布擺一把腰圍愁再窄不成更滯鳳皇
山鷲無賴寧須耐將息莫教春損壞
爲美人間雙被謫誰知枉負鴛鴦債淺顰低囑燕將

書垂楊外春歸迫泪浸落紅成一色
爭禁清宵剛十五纔見月圓心自苦低頭掩泪閉雙
扉渾擔阻春如許愁似寒衾絲萬縷

豆蔻惱人容易瘦問郎可似儂心否花慵柳困一春
多愁斬奏顏非舊不記黃金雙蝶鈕

懊恨臨卣芳信杳遠山碧聚應難掃妾今怕作白頭
吟春未老年方少休說薔薇能買笑
弱質禁寒描不得傷心更是同心髻圖成未可寄郎
邊愁紋密啼痕碎長恐相看難認識

秋夜月

吳興感事次韻

幾番載酒蘇臺畫船開看取漁家四面挂帆來

三

春樹消滅盡許多才只見管絃邊際亂紅堆

雙紅豆

夜坐次韻

雲滿窓雪滿窓透屋梅花疊晚香離家更幾霜 愁

初長困初長月上闌干送寂涼蕭然綠綺囊

調笑令

贈歌者

此福難消享突似芙蓉羞月樣香柔玉豔生磨盪拚
得步搖作賞何數一曲名非枉不信于今有兩

望梅花

第一體

空生閣

洞壑自生臺榭翠暗丹梯層折怪石排空堪叫絕
蜃市無端虧泄隔嶺湖光容却借攔入一天明月

柳枝

第二體

玉簾泉



原件短缺

半壁晶簾放未齊故垂垂浮空認作白雲歸又非還

當是僊靈管玉宇將珠補月明時候遇瑤姬好為衣

胡蝶兒

弔張槎雲

陶倩英徑何歸可憐細雨打空圍六橋埋令暉長

恐春鶯怨從今沒箇題謝家才調見須稱為郎曾解

團

訴衷情 第三體

夜望鞋山

戀情深

別匡山

箬帽棕鞵探五岳情癡丘壑會逢匡續白雲間不思

還 捫箕歷軫扣雲關採得紫芝繁仙境入來非易

更停鞍 藉藉蕪山日影盡不辨關雙氣憑出

書月當窓 嶺山別立空真千變真亦中余時時開闔

壽無言六十

浮生世味六十年光裏休羨繡裳朱組看徹渾如此

著書堪自喜茅簷隨意耳五柳七松何必得釀黍

爲多矣

伊川令

一線天

書生誤入神仙院
丘壑真千變
塊石中分如剪開
闔教人難辨
薜蘿還自遮
遍山靈不耐閉
雙扉放將出

輕雲一線

巫山一段雲

依嘯餘唐調

美人對鏡

怕却金鈿亂
嬌扶玉鏡低
卬人休怪慣
相思我見也

情凝半困起
鬆雲髻愁還
斂翠眉憐他
莫便教郎知

又十麗人兒

羅敷媚

春山咏半面美人

春光故故撩人意
欲露仙姿又匿仙姿
應是含羞未
定時
最憐淺笑勾紅暈
對一邊兒背
一邊兒
相逢去後思

登菩薩蠻

五林谷巖洞
蒼張鹿牀

武林猶記花間約
名山輸却君先到
應上最高峰
君登第幾重
飛流萬古落空翠
從雲抱蠟屐
莫匆匆
琴心九疊中

前調
春水示內弟石葉
春山籠日薰簾幙
沉煙如綫金鳧小
竹葉十分青
前身並酒星
晚梅加意好
賦就休輕請
帶笑告同生
多才數廣平

前減字木蘭花

次杜茶村韻題彭爰琴小像

盈盈一水風格如君能
有幾揚子舟中猶是京華在
日容蘭成未老都把江南歸屬草
倘憶江郎閣筆
沉吟淶樹旁
騷壇潤朗天放吾徒爲汝黨
偶爾東來亟命籃輿過
小齋濁醪堪勸共拭重塵看匣劍
画卷詩篇冰雪
衷腸總未傳

繡帶子

俗傳百家姓
譌漏殊多了無義例
黃九煌曾割

析成誦已與周散騎名並垂矣朱子仲軼就茲
四百餘字別爲編次雋詞逸韻愈出愈奇戲集
諸字以贈

班管薄齊梁勾索蔚成章饒許凌雲空富能莫屈馮
唐榮謝蓋何常黃金印終傳韓郎龍符鳳簡封侯
卜相尙戴周王

再集仲軼新編爲題山房

松石堵山莊經夏宿花房徐闕池邊車路秋後越蒼
黃金谷費平章須索步辛栢歐陽特逢羊伴計錢

支麴樂何柴桑

釣船笛

過張鹿牀納涼處賦和

小閣倚層城占盡湖光多少一片清波如練螺黛還
如掃灘頭雨笠雜煙蓑不把薰風到晚浴鴛鴦箇
箇總是新詩藁

謁金門

李丹壑以妙年舉京闈志喜

真才調轉覺終童非少早向天街拋席帽博將紅粉

笑木利市襴衫英妙又見杏園春到鳳閣家聲偏克
宵宮袍看應召世平舉京國志喜

相思兒令

贈歌者葉

生愛多情癡絕啼笑總難描儘把流雲纖月都化作
丰標荷羞澁不耐輕調趁簫吹上紅潮何當結束登
堂尋常便勾魂銷葉

望僊門

登文殊臺望瀑布

天門雨過走銀虬那能收空青齊作白雲流怕山浮
清絕長棲月冷然氣奪深秋怒聲應悔落滄洲落
滄洲爭似萬峰雷葉

清平樂

初入廬山宿栗里廖昆湖遣吏載酒追至開先

寺東謝

到來消受滿地松雲斲繫馬徘徊題五枿恰道江州
送酒西徐凝自笑何知那當康樂相期願就斜川種
秫借君日醉如泥

畫堂春

西湖偶作次秋岳先生韻

琉璃萬頃亂青橫
輕煙轉出春城
花輿蓮額軟紅平
影闌波清舞檻歌樓何處六橋月冷無聲
閒簫弄玉響空亭多少關情

途次有懷小女

羞堪爲母展雙眉
料應啼笑相依
剛聞鵲噪報將知
轉重悲悽每作家書更住羈愁未敢多題
遙憐母女傷清暉只恨歸遲

偶作

天涯病沈賦歸遲
今番畚策相依
書成唐韻貫新醅
莫負春暉言自喜
庾宣得婦何須案
舉齊眉
海棠花下共拈題
侶覺輸伊

玉聯環

春情次陸蓋思韻

多情惹起添愁重
數聲鶯弄
泪痕惟許蝶蜂知
落得翠綃無空
黃玉漏苦將人送
隻燈誰共入春因
甚轉消魂應是夢還非夢

阮郎歸

雨宿黃巖寺

微茫鳥道未全分
虛空容屐痕
山高雨氣易黃昏
秋聲何早聞
雲作屋石爲門
松間着此身
登臺不覺與湖親
朝光蕩水濱

喜遷鶯 第一體

飲無言草堂

無邊月帶春星有客過
孫登一聲長嘯出
相迎枕漱話生平
竹幾竿書千尺
齒頰都諧金石
延春小閣

倚樽清對閉戶先生

武陵春 第一體

宿歡喜亭

亭在太乙峯之陽因後峯高夜看北斗僅見三星

到此正愁山未盡
乍喜歇茆窩
落日平湖千頃波
遠岫點青螺
藉地回看無北斗
浣手近天河
枕上猶聞採藥歌
六月夜寒多

桃源憶故人

題朱薦之先生小像

芙蓉小閣猶堪憶
廡下曾勞相慰有子名齊王
李謬

謂予兄弟 幾番風雨同顛 願喜備一堂群紀不信
常齋亡矣春到傷知已

洞天春 友人

玉淵潭 友人

巨石中摧如甕釀 出一潭清瑩 雪裏堆雲巢白鳳看
取應無縫 莫將圭璧同捧 只恐輸他生動斗笠輕
拋松間一枕梅花 遶夢

茶瓶兒

依倚聲調

帳鈎

昵貼鴛鴦綉幙 道管住柳昏花 曉吹香跋紅闥 正悄
拾得隔紗 匿笑 痕兒俏聲兒小 中宵裊裊待兒早
被他驚覺 却將燕鶯擔閣

太常引

滾溪卽事

一庭高樹晚生寒 蟬噪水聲間 濯足向溪灣 有隔岸
流雲往還 才輸謝客 慙逢望蔡 短缺不知彈 鎮日
喜悠閒 空自笑 何如次山

漁歌子

燕子磯

枕長江憑建業鍼樓脂井都消歇枉埋金空沉鐵往
事總隨灰劫下好垂綸堪擊節山連吳楚青難別醉
清風邀明月休較誰優誰劣

少年游 第一體

大青山舟次望匡山

舟前錯亂落芙蓉一半淺雲籠翠黛垂邊煙鬟深處
誰是漢陽峰笑鮮霞漸與湖光接艷絕帶空濛擽取
青樽山頭箕踞把酒問天公

應天長 第一體

林心白鹿洞無念於修竹記金碧
幾椽書閣更唐宋五老披雲當戶擁繼周程存孔孟
關里遺風還自永 碣模糊亭峭竦屋角松杉飛動
白石清流堪弄洗耳聽歌詠

梅花瘦 舊名偷聲木蘭花取子野詞中三字易之

夫代贈

沉煙簾幙絲絲綠慢拾輕綃彈藕覆短髻初畱小燕
新鶯未解愁 花名錯占風流藪早學人前歌折柳

再隔年餘不數多情薛校書

玉肌新浴迷香霧翠滑釵偏花下路蜂蝶猶憐惱亂
芙蓉泣曉煙 風塵惜被前緣誤此日書仙誰與主
但肯還吳願寫輕雲共載圖

琵琶低按多情木一曲新聲憐小玉心醉多時賴爾
留春去較遲 碧窗飛落銀光紙匹身芙蓉書細字
待別韋娘紅白桃花總斷腸

捧心私喜人無念紅粉香歸金縷巷楚靚樓頭同是
銷魂第一流 吳歛暗透花間響拚得金鈿爲給賞

却惜分飛兩地東風帶泪吹

迎春樂

贈歌者

驪珠一串相思債怕今夕嬌羞壞啼紅愁黛渾無奈
強學着燈前拜 清徹倒嫌凡響碍試問取笙簧會
解猛可異香何自自緊靠輕綃外

南柯子 第二體

小孤山

風月應無盡煙波舊有餘小姑螺黛未全甦倘爲魚

書難寄立躊躇 天濶易爲曙江空少與俱彭郎消
息定何如隔岸拋將春色幾曾孤

尋芳草

綠水潭

獨坐翠微裏却愛煞一腔秋水看持將綠玉猶難比
倩長松爲重壁 隔日又行來未應信把雲都碧更

雷連不覺芒鞋濕印幾箇莓苔跡

太白廬山詩有手持綠玉杖句

木蘭花

洗盡立冷然石看三疊泉

一層層翻白日下照碧潭紅影濕穿澗樹架天風崩
雪驚雷猜盡失 鬪金鰲搖鐵壁斜擊珠淵蛟畫泣
經委折更橫飛直射長空千石力

金鰲石名鐵壁峯名俱在泉邊

送金觀察赴白門

擁朱轡遮絲幃離緒似江江較淺方借冠更依劉徘徊
無計留君轉 崔雙隨書數卷牙繡蕭然帆力軟
斟九醞望三山咫尺秦淮人已遠

憶餘杭

次鄧孝威韵題何奕美像自題

獨樹危崖雲氣冷自醉多時還自醒
裁成荷芰好爲衣重整舊漁磯
嗟君幾度經風雨怕遣雙眉挂愁
楚雅聞侍御愛孤行應不媿家聲

浪淘沙

題外舅收綸圖

投足向蘅臯
沈盡塵囂
只今容易觸風濤
爭似魚竿都放下
省却心勞
獨坐自清高
任意逍遙
不將簞笠換金貂
震澤春深歸正得
莫更推敲

賣花聲

吳女采菱次顧菴學士
空山
小艇越鴛鴦
惹動波光
尋常結束
懶更粧翠袖
但垂雙玉笋
盪轉南塘
嫩露濕蓮房
嫵媚堪傷
紅菱分得箇中香
猛可向人偷賣眼
愁絕斜陽

杏獅子巖

猿穴寄層崖
恰受菴齋
亂松挂壁
果誰栽
危石支空能不落
巧絕安排
雙闕隱樓臺
遙倚雲開
巴山天際浪驚猜
萬壑總隨鐘磬寂
無限青來

擷芳詞

依選聲調

葉衣歸

咏籠蟋蟀同石葉分韻

巡蘭砌鬆花甃秋聲猛到雙鬟袖
淒清夜悲涼月索
性將來細聽伊說
燈初盡香初瘦
霜碓露杵偏生
驟嗟爭切愁爭結
金籠誤入依依如寫

杏花天

那堪文藻誇康樂
每詣客車中
提抱叮嚀細把藏書
較忠孝總吾家學
真負却墨莊付託
孫未立樂城
先老只今浪泊歸來
少惆悵空山墓草

客中逢先母忌日

母病篤日以羈遲計借爲憂
長對女孫言及

前年此日難爲想
兒在外臨岐猶望南宮
頻爲兒惆悵
俛手執女孫雙掌
十許載膽丸未放
筭幾得生前
歸養天涯
泪灑心如撞
曾否金錢消饜

憶高陽

最憐廡下難堪處
空拔盡釵梁
誰訴筭來冀缺應無
福枉把飛瓊辜負
猶記得敝裘夜補
苦砥礪燈前
孫楚百年有約
終當聚還作相思
一樹

江月晃重山

又七夕

怕被銀河間斷巧將綉幄重移虧他隔歲好支持纔
更月蚤覺許多時但使前緣可續何妨疊遇佳期
筭添今夕不須辭還愁切兩度費相思

木蘭花令

簡寂觀

仙家樓閣銜青靄四壁飛泉落山色婆娑橋畔六朝
松舞向人前千萬態我來不見煙霞客藥臼經臺
橫路側酒酣直上香爐峰回看蚤被重雲隔

南鄉子

第四體

宮詞

一自謝南荒幸把名兒入未央嬾貼髻鈿閒玉燕悲
涼幾陣東風瘦海棠昨夜夢君王無限恩私在蝶
鄉紈質蕙心顚頰盡悽惶不及鮫綃傷御牀
心事倩誰知女侍班中未敢題獨有牡丹枝上月依
依漏下三更照淚垂苦樂付金徽彈到求皇窄翠
眉好卸殘妝還又怯淒淒怕見釵頭蝶並飛
已辦買長門不計黃金只爲恩爭禁笙歌來別院遠

巡玉輦聲中勾斷魂
錦帕搵啼痕乍見桃開意自

親愛惜莫教風雨壞殷勤
畱取名花待至尊

寂莫抱筓篋爲避春光懶
下樓鶯燕霎霎偏絮語稠

繆隔着晶簾莫上鉤
鹽竹趁今休怪煞金羊不暫

畱怨管悲絲無賴極含羞
日對萱花不療愁

莫更理琵琶作意春寒透
臂紗舞就驚鴻空自惜非

誇偏只梅妃召翠華
玉揆點堆鴉生小貪簪並蒂

花未信君心憐艷麗
非差分得蕭條是內家

應是惜春歸瘦損香肌
又一圍譜曲調笙都不耐全

癡但入昭陽始得知
消息使花媒蛺蝶緣慳向別

飛縱有長卿爲作賦
還疑只怕君心未易回

欵枕不成眠茉莉風香惱
麗娟妾願化爲連理線鮮

妍繡作鴛鴦獻御前
會未直班聯無事珍珠慰棄

捐覆額低眉剛十四
輕便得近君王定受憐

紅泪濕銀缸促織叨叨貼
碧窗添得凄清長信月如

霜玉笛休吹已斷腸
蓮漏遞新涼爲雨爲雲總渺

茫二十五聲渾不讓
思量未必他宮侶此長

小立倚簾旌惆悵流螢
分外明落葉亂篩桐月下聲

江風六文集 卷十四 十一
聲較取新愁少幾層
灑泪半紅冰
秋思傷人罷玉
箏女伴不知情
思惡盈盈剪得春花爲助情

玉貌已非初織罷
寒蛩泪早枯
三十五宮同此夜
都虛不是君王恩
意疎
買卦慣模餽
未料燈花信有
無却負思香雲
錦帳躊躇安得生
逢如意珠

春水染苔痕
占斷風光有太真
叮囑闌前花御史
會聞辜負東宮作賦人
一樣屬君身
寵辱懸殊未敢
真但得溫柔經品第
休論縱死難
耐此日恩

未解奪春妍
蘭室風流莫便專
特訝昭儀何太幸
雷

連費盡君王竊看錢

月戶正蕭然
忽報鸞輿輿小

憐嬌怯翻疑人是夢
纏綿恰喜蒙恩及少年

梅花引

讀徐延香繡閣詞

徐父又陵兄葉庵皆以詞著

字惺惺調惺惺
瘦比黃花遜此清
是春聲是愁聲
題盡落紅瑤箋無限情
柔腸那管人難讀
芳心那管人難續
恨多生怨多生
輸却左芬早名齊父兄

一斛珠

卽醉落魄 依蓉渡調

踏青次韻

鷺兒休喚長堤草色和烟亂繁紅處處青相半香屨
愁人小坐谿橋畔 撲將粉蝶嘲同伴嬌憨脫落雙
金蒜惜春長怕春光換爲教歸遲路滑將帚絆

臨江仙 第三體

七夕次芝麓先生韻
鳳幄鸞車搖玉佩今宵夢惹香闥蕭郎薄倖縷難羈
針樓怕上咽泪守佳期 愁緒較將蛛網密摧殘幾
許蛾眉雲飛五色巧歸誰黃姑知否儂只願癡癡

七娘子

題韓醉白像

韓休風度稀儔匹半生潦倒何堪述一肚牢騷滿腔
經術箇中安得人描出 古今遇合渾難必糟丘得
歲聊消日時尙工竿子偏操瑟江干且抱長吟膝

踏莎行

喜雨

川澤塵飛桔槔力盡披衣玉女應難問猛看天笑喚
雷車魚鱗鳩逐雲成陣 散玉飄甘聯珠灑潤麥漂
粟蕩都無恨一時霖雨徧郊原行春不說淮陰鄭

錦字無從報阮郎欲剔銀釭嬾剔銀釭和針拋却一
樁樁怕繡鴛鴦強繡鴛鴦 花氣薰衣結寸腸蜂也
成雙蝶也成雙何堪多對是垂楊好似愁長不似愁
長

翠遠行 第二體

息葉送孫魯三之汝寧

愁絕關河客路遙風雨暗瀟瀟隋堤楊柳一條條牽
恨是今朝 澗北驛汝南城會棲王粲劉伶鵲山鯛
水舊知名杯酒雙螯足此生獨惜故人遠轉望不勝

情

未臨江僊 第五體

蘇林開先寺

十里松陰圍一寺簷前浪卷諸峰徘徊累月費形容
孤雲眠貼地雙劍落虛空 萬仞飛流搖五色碧潭
驚走蛟龍涪翁碑碣半朦朧荒臺哀帝子終歲紫苔

封

唐多令

過太白書堂

細雨散空香從僧到草堂自深幽不怕荒涼嶺上白
雲長不斷纔放入滿山房 竹掩讀書窗疎鐘起夕
陽想當年縱酒徜徉千古清平傳絕調成放逐氣難
降

蘇幙遮 第一體

十世扶箕

繾桃蘇拴鬢棗問道侍兒可是新粧好愛學飛黃癡
未了索性臨摹一幅鴉翎藁 怕花枝愁麥穗去去
頻回重向圓水照喚取豪犀休更錯舉腕佯羞背把

烏雲掠

送山尊歸里次叔子韻

伴鳧汀依雁渚一帶關山盡入消魂句猛可鄉心思
獨樹楊柳櫻桃未便輕拋去 煮葵羹斟桂醕半壁
遮寒忍凍嫌疑處不怕愆期遲杜墅金屋春深穩巴
嬌鶯貯

黃鐘樂

石鐘山

何物噲啞攪客眠起視驚湍金聲衝石上湖船不識

神工誰鑄得迄今餘韻尙鏗然
斷崖虛閣挂啼猿幾
處漁習看他都向劈空懸寄語後遊休作記風流端的讓蘇仙

行香子

春夜泛舟次荔裳觀察韻

燈火村前簫鼓城邊這輕舟消受文園杳無聲籟風
正帆偏且一簾水雙槳月半窗煙
天涯浪泊渾多
離緒笑江湖枉自年年會逢佳客好曲須傳但渴時
飲醒後詠醉來眠

聲聲令

五老峰訪聞極不值

匡山絕頂別是規模高人獨向此中居和羹奉母草
門外樹巢鳥愧煞年來我不如
滿壁藏書開石室
見雲浮餘閒畱種樹千株未逢慧遠動躊躇分何疎
那禁得渺渺愁予

謝池春 第一體

行九疊谷

山南北唐蔡元君李騰空修真處蔡
會製欄干曲谷口有相思澗

鎮日溪行又到奇峰千笏近雲屏芙蓉疊出危崑嶺

勝喜絕無重複伊何人枕流結屋
天仙蹤引去洞壑
浪傳空谷只而今烟霞自足闌干一曲是相思難忽
剩松風清音謾謾

玉蓮花

牀頭月影

背却蘭缸獨倚鴛鴦繡被驪龍鬚難成穩寐輕寒陡
入片片花陰碎故憐人漸來窗內料得嬋娟試盡
孤眠滋味那更堪儂心顛顛天涯薄倖容易忘歸思
枉濕徧翠綃紅泪

青玉案

第一體

紫雲洞

憑將樵唱迴邊路傍野寺鐘聲去一片雲開天盡處
蜃樓非幻蛟宮自古應是僊靈住危崖倒壁愁山
鼠飛向長空如欲舞白石紅泉容笑語萬峰斜照千
村晚霧恰當催詩雨

鳳凰閣風流太守

題觀瀾閣

看亂峰雲起開簾容受紛紛濕翠穿窗牖會見天浮

浪拍帆影微漏盡底把湖光堆繡
鳧鷖無數點染
斜陽時候待將月上還如畫雙絕處一西京司馬題
就剛配着風流太守

林外春日寄家君

算竹西春蚤鶯花綽約橋過廿四誇丘壑正好筆牀
茶竈檢點琴雀把子舍團圓耽閣
山城荒寂笑被
這官羈縛天涯捧檄將無錯何日到問加餐還復如
昨博一箇同烹藜藿

連理枝

廬山七夕寄內

記去年今夜同把蛛絲結却羨雙星瓜期早踐怕虛
佳節縱名山風景足畱人對此終凄切
算與顛仙
別爭忍將伊撇寄語少君捲書千卷從余三疊向雲
中還共訪騰空任塵囂都謝
太白有送內訪騰空女
仙詩

千秋歲

贈廖南康

羅浮僊籍偶作湖山吏餐冰雪懷膠漆三洲營第宅
五老聯晨夕誰謂是風流杜牧稀儔匹
不鈴閣饒幽

逸作意憐聲律纔宛轉情何極雛鶯嬌不去乳燕慵
無力真樂事焚香又著書消日

粉蝶兒

清明

燕姁鶯嬌風光三月堪絕這韶華爲誰鋪設霧侵花
烟困柳偷催春歇嘆因循又過了清明節翠徑鋪
紅亂隨礪流嗚咽多情司馬愁如結待從糟丘世界
憐蜂惜蝶一任他賣飭聲聲凄切

傳言玉女

訪仙亭

亭上可望戲仙臺御碑亭山下卽錦綉
谷有錦綉亭鐘鼓山

佛手巖邊別有溪山一幅仙臺縹緲對御碑遙豎亭
開錦繡鐘鼓都填青綠烟村門巷紛紛樵牧石磴
紆迴愛嬉遊惑出入竹林何處往蹟多湮沒真人不
歸我自躊躇空谷怪僧嘲笑道非凡骨

越溪春

三峽澗

野店行來三四里猛可到橋頭緣溪一帶參橫石真
輻輳種種清幽斷壁擎雲寒巖招雨暉映龍湫山

僧頗解臨流倚岸置高樓都將空碧散翠檢取也知
生客能偷却被卯君先占得過處慢題雷

婆羅門引

凌雲舍

舍前卽李騰空仙處
麻姑崖名

的真消受名山谷口竹陰中不煩金碧爲工只此兩
崖蒼翠掩映百年松又溪流遞響遠應疎鐘 碑殘
吐龍更何地覓仙蹤好向麻姑索飲邀取騰空還嘲
五老湖山裏苦自費崢嶸期再至莫遣雲封

御街行

第二體

程穆倩禽蟲寓言後

古今羽族交相噬碧漢仙胎誰是伏鸞隱鶴愛逍遙
鵬鷁網羅空試的真堪羨鶴雛鴛鴦伴爭奉琅玕實
少卿內史應非志隨意滄洲棲止讓他巧婦創窠巢
我但信天驅使辱從雞鶩笑憑鳩鷺若輩安知此

右禽

語水語海真何補藿蠋醯雞成伍筭分露酒共花糧
耻與蟻螬同處赴燈堪惜當車堪晒夔屈翻無忤
隋宮螢火皆塵土幾度雷塘風雨春蠶作繭總徒然

枉把絲絲都吐只甘蟬癖晨昏書卷宇宙寬如許
右蟲

陽關引

龔伯通赴都道經邗上時余適有楚役黯然賦
別天
記取春颿夜飽看長安月簾邊醉拍櫻桃臂溫柔絕
怪銀箏錦瑟苦把人疼熱可料他情實一露便摧折
那更曉鶯裏終歲別會逢江上重揮塵唾壺缺對
勝公榮者肯教尊壘輟驛柳添愁緒握手共凄咽

金人捧露盤

夢從家大人重遊廬山

想匡廬奇勝處足三生喜從遊再扣雲扃分明天上
松風吹落四仙亭告吾翁待兒扶杖且聽泉鳴笑
萍踪還至此烟霞癖本家聲更翩翩白鶴飛迎徘徊
故道溪行猶見舊時僧愧何能比將義獻唐突山靈

最高樓

天池寺

天池寺池在最高峰尺水伏魚龍九奇未盡豐碑在

四仙歸去畫亭空笑何從騎白鹿駕青虹更須記
遠公松裏路更須看文殊臺下樹纔坐落翠重重上
方歲月無寒暑山間宇宙小鴻濛跨潯陽捫楚澤俯
巴邛
鬪百花
儘却幽奇都踞割絕衆峰爲伍仙巖咫尺難登斷壁
千尋飛渡試看周遭謝盡頑石癡松生怕損將清趣
俗骨因何遇渺渺江湖一一向人都露微雲又動

還教市城遮住欲去慵移未能寫入輕綃空自叫呼
無數

蕙蘭芳引

贈家瑞昌尹

一自醴陵念芸閣本吾家物似阿大中郎應占掖垣
鴛鷺無端江上領點點彈丸林麓想兩年茹蘖剩得
人誇單父馬春榛蕪羊腸湫隘苦費調護却銀印
緋衣來往山青水綠垂簾閒寂何妨刻燭憑錦箋裁
就種花新譜

離別難

答別外舅

漫道琴鶴荒涼青氈且喜無妨宦途渾爾爾古今休
得恃白雲蒼狗外總何長門下士伊誰至尙輸匹帛
贖中郎書怪事非公志能徜徉徑將憂喜都忘艱
阻勞嘗試愧我空隨侍曾何補牧羊腸風雨霽聊堪
慰暫辭邠傳去江鄉

江城梅花引

喜陳巴東過寓 巴東地界楚蜀延袤千里多

山谷民稀糧僅二百縣治臨江面北陳子莅治
之明年遇于武昌因憶借蔡子石公同客長安
兩君今皆擢用余猶然披褐還以自笑

巴山千里擁賢侯最清幽信優游十二巫峰一半在
窗頭雞犬不驚官舍冷長北面聽江聲帶雪流 萊
公古栢百年留自今秋說太丘君也君也來獨暮四
起蠻謳誰道河陽奇績遍星郵更憶玉皇香案吏堪
妬煞步鸞坡賦鳳樓

長調未窮香桂鳳臺盛年才幾許
 滿江紅
 雙和石葉
 好放閒愁如君者才應幾斗儘日兩賢相向那須搔
 首疊疊烟波連岬闊絲絲雨線和雲覆且披衣穩卧
 漫沉吟湘江口 烹白小當還有傾淥液何妨久聽
 篙師笑謔輕帆捷走要知楚澤才過七欲教雲夢真
 吞九論英雄一半用低眉強屠狗
 水調歌頭 上 吳國
 春燕詞

長調未窮

滿江紅

雙和石葉

好放閒愁如君者才應幾斗儘日兩賢相向那須搔
 首疊疊烟波連岬闊絲絲雨線和雲覆且披衣穩卧
 漫沉吟湘江口 烹白小當還有傾淥液何妨久聽
 篙師笑謔輕帆捷走要知楚澤才過七欲教雲夢真
 吞九論英雄一半用低眉強屠狗

水調歌頭

●木題美人上馬圖

陌上鶯兒月郊外燕翁天只今芳草如繡莫漫負春
妍多少香輿珠幃怎似風驟霧鬣紅袖綠楊邊自笑
何曾慣生怯馬蹄前穩香屨支寶燈試花鞦幾番
更住長恐縱轡落花鈿暗數星期月約恰值晴光濕
翠聊復弄吟鞭故故還回覩的的受人憐

雙雙燕

蘇釵燕

春光未洩看對鳳臺邊早來雙燕學飛無力小立釵

梁外面料取當年綵線曾記與蕭娘繾綣拚拋錦繡
池塘結箇香奩烟眷猜遍輕盈剪剪總一樣烏衣
教人難辨臨風俊絕翠雁珠蟬齊顛此際還誰不羨
偏應是儂心先軟願乞爲我將書囑付薄情回轉
送扶晨歸里和鄧孝威韻

龍谿上客好牛耳中原俯看一切嬉遊隋苑愛取蒲
斟蕉葉占斷古今風月怕久住此間城闕須臾雙漿
江干且喜潮頭似雪歸路山川差別過高士臺邊
儘供批抹仙人峰頂試問藥鑪荒穢造一戶亂雲稠疊

那禁得思家心熱灞橋未免離懷愁損天涯翳未
月下篴 依倚聲調

賦得月底脩簫譜

夢熟鴛鴦睡濃鸚鵡良宵無奈梧桐做影遞出滿階
秋色儘雕廊桂燭蘭膏只今都被寒光隔正閒情未
倦水晶簾畔怎銷水魄 思將引鳳問秦樓弄玉豈
真難再好把相思譜入伊涼新籟倚靈檀織睇慵開
讀折柳修眉乍窄最憐人添得指痕兒印些箇在

玉蝴蝶

第三體

五老峰 秀出東南雲頂想當衡嶽差可爲隣滿眼靈崖峭谷
露染霞熏重湖口江流微合層嶂外粵樹斜分亘千
春空中嘯傲長揖天門 銷魂人歆晴石雷轟溪底
雨挂峰根松竹蒼蒼此間應不記朝昏好追隨青蓮
仙客還呼起白鹿真人羨沉淪安車逃聘更有匡君
却愛晴江風小蘆花重疊釀就新秋一任布帆低挂
畫槩輕採起遲怕呼山縣吏閒來得受醉鄉侯忒清

幽聲聲簫鼓盪漾中流
何求數峰遙落黃陵祠畔
白鶴山頭漸逼重湖天空岸濶
讓見鷗襯琉璃波光
猛射鋪瑋瑋雲影徐收
且優游岳陽無念好更登樓
金菊對芙蓉
楚中重晤張夫子有贈
不別
萬里河流遠環伊闕就中多少英奇
只曲江風度此
日爲誰官家不事平蠻策
有相如足定滇池轉憐湘
漢爭迎仁祖又恨來遲
却記往昔追隨向牂牁物
色獨許龍媒嘆軼倫
虛譽猶是雞棲那知一片南樓

月從庾公更酌金罍會逢歲旱
可堪顛顛總爲瘡痍
百字令

書武昌漢壽亭侯祠

古今駒隙幾興亡
三國偏多豪傑最是君侯名
獨震
當日誰爭優劣魯肅心寒
孫權股栗犬子婚須絕江
東未下磯頭長自嗚咽
還想六將頻收七軍輕掃
一操何難滅底死殷勤
畱不住千里終歸昭烈
試看
荆襄惟公廟祀吳魏空丘
垤生平遺恨笑從身後都
雪

答別曹秋岳嚴顥亭吳方漣張穉恭自仲調前
輩張登子呂錫馨計甫草程穆倩鄧孝威孫無
言魏叔子孫嘉客羅弘載閔賓連朱錫鬯諸子
天涯遊子苦飢驅更向瀟湘邊走恰值雷塘花未謝
一代才人雲奏賦逼鄒枚詩追王孟詞却如辛柳蒲
帆半幅其如此日杯酒從茲問月南樓尋秋西塞
東望頻搔首爭似紅橋停畫舫聽取隔簾絲竹十里
園亭千家羅綺春陌渾如綉歸來未遠正須對菊時
候

琵琶仙

琵琶亭懷古和韻

司馬青衫也曾記濕此江干城下誰却搬弄哀絃教
人泪抛灑纔一曲情絲萬縷淒涼絕儘懷傾瀉惱亂
層波低徊冷月清豔空射又何必摧折柔腸縱飄
泊羸他未曾嫁休恨古今遙隔尙傳留佳話應不少
空聞老大爲別多會少擔怕但遇知己天涯怎虛良
夜

水龍吟

第二體

木玉川門

探奇岩下渾無路一竇忽生千轉別藏宇宙危崖真
曲幽蹊自遠如此空翠何年積鐵銷鎔成片更中流
翔舞浮來怪石多形狀看難遍漸近神珠落處向
寒潭倒將雲卷迢迢銀漢侶連侶斷劃然都見萬里
長驅重關飛渡曾忘甯戀苦翻騰料是蛟宮有物壯
懷非淺

如此江山

吉陽夜泊和韻

輕帆低傍晴霞疊莫把鷺鷥驚去月湧回流烟沉遠
市還見漁燈微露良宵幾許似爛醉駝岡朗吟牛渚
好覓吳綾倩誰圖寫晚江樹風前何代古寺忽吹
來梵韻暗催津鼓日傳亭過湘君廟近漸逼衡陽之
浦雙橈停處喜秋色偏多閒情無數村酒容賒任天
涯姑住
士風江上再過匡山
舊時記與匡廬約悠悠十餘年矣石數清涼松誇簡
寂真個幽奇無比銀濤突起訝雲挂山腰雪飛潭底

暗想前遊幾番還到夢兒裏
扁舟重與坐對逗狂
奴病癖徘徊心喜好倩香山傳箋玉局爲問當年高
士風塵未已羨天外常閑世間難似甚日歸來荷耒
邀數子庚申九月十九日舟過廬山遂有是詞詞成
偶憶去年客京邸曾夢重游廬山正此月此
日也因
并識之
來風流子

留別外舅之廣陵

二分明月裏
敔臺畔携手望延州
記墨妙摩碑人推
淵映水嬉張樂政號風流
誰知者買山猶未遂
飲酒

竟招尤家住盍簪偏宜舉案門空羅雀
獨愛牽舟
暮雲增悵結憑雙槳能消幾許離憂
喜見滄浪春漲
鄧尉花稠奈烽驚長榆聞雞同慨
弓鳴細柳洗馬多
愁待囑驪歌慢度又泊淹留

沁園春

蘭亭上巳集愛山臺時有梅村方漣雨先生同菊人
蘇西原一子壽再馨弘載坦夫鶴問石葉暨園次外
韻索父分得吾字

芍藥穠時荼蘼開後楊柳晴初正香泥錦雨全粘燕

喙軟紅溫翠半染蜂鬚烟向溪沉山將雲膩嬌煞胭
脂索慢扶多情處又剛逢上巳此樂何如東風吹
徧西吳看花鳥翩躚護碧疎想華林鐘鼓競飛珠玉
蘭亭觴詠滿引醪酥倩醉醉春憑歌買夜百斛真堪
傲阮厨還非偶有茂陵司馬江左夷吾

題想想園圖

梓澤池亭辟疆泉石高臥非疎從朱荷香外停他片
棹綠陰濃裏著個輕車吳苑斜陽隋堤荒草無念烟
波讓五湖誰知者對殘山剩水吾愛吾廬却慙未

覩當初猶及見柴桑一畫圖歎公和賁志空傳舊隱
介夫有子能讀藏書浪跡東衡浮家南塞松菊何須
問有無吾還笑笑富春谿壑較少清虛

春日顧瞿父招同張鴻伯胡元表郭園看牡丹

山茶紅白桃花

春雨三分送雨催晴小園正開信鶯兒指路筍輿堪
倚鼠姑分隊花墅同來燭暖春融杯深酒壓笑對枝
枝玉篆牌憑闌見見文窗窈窕石徑紆迴芳菲到
處蓬萊似無數名姝擁翠釵愛助嬌千影絳烟齊簇

淺粧半面碧露新裁洛浦還逢寶珠珮冷管領東皇
選麗差同游者是江東主客京兆朋儕
摸魚兒
春雨曹秋岳先生招集米山堂時同林鐵崖胡循蜚
張登子程古狂陸蓋思孫鎮浮陸高仲王丹麓
章天節陸天濤

憶從遊午橋莊上宵分醺舞花底重逢莫恨春歸也
况有能詩高李君且起須笑向梁園飛蓋浮香蠓湖
誇西子試較取當年南樓觴詠勝事畧堪擬
牽情

緒不爲繁英顧戀蛾眉自多嫵媚相憐更在生疎處
此際魂銷非易還應爾獨不見汝陰女誦廬陵字他
時索記謝傳出東山軟綃紅泪珍重遠封寄

春賀新涼

李容齋學士招集次韻

名下非虛矣數乾坤文章書翰古今無幾第一流人
須吾輩不羨南樓老子喜大隱偏居朝市四壁縹緗
千萬軸出仙班坐卧牙籤裏迎素月酌芳醴
管城
定讓操牛耳架珊瑚敲金吐玉何多佳士獨訝羈栖

塵埃者快覩風流太史良可戀劇歡難已滿院清陰
嬌欲滴又些些燕子雙飛起憑錦字答知已

滿江紅 第一體一首第二體一首

贈郭使君

還憶當年燕臺畔門庭密邇正西清草制望隆宮掖
春樹吟成牛耳重曉寒賦就龍顏喜豈先生有意整
匡廬求彭蠡謝康樂愛居此李太白誇無已况熊
韜鹿轂鵲爐香裏瀑布長空飛霰雪名山鎮日當窗
几羨一家寢食畫圖間堪摹擬

鄂王墳次原韻

曠代忠靈西風裏豈真消歇雖則剩空山荒土難埋
英烈八日連平襄漢壘十年欲酌燕雲月嘆蘄王詰
辨徑收君堪悲切這腔恨何從雪河未渡身先滅
羨一門父子綱常無缺青史長新肩背字丹心空照
頭顱血只而今墓棘半蕭條猶朝闕


東臨血只而今世


美一門父子聯

轉登外岳其悲

英燦八日戰平

...





程